

海國圖志

卷五十四
之五十六

ル 1
3176
15



門
號 3176
卷 15



北洋俄羅斯國志

敘曰俄羅與英吉利爭印度情事已具西南洋志矣恭
讀康熙平定羅刹方略俄羅斯兵守雅克薩尼布楚二
城者每城兵僅數百我黑龍江兵數千攻之何難一舉
摧拉而 聖祖兩致書察罕一寄書荷蘭往返數萬
里始定疆界何哉其時喀爾喀準噶爾未臣服皆與俄
羅斯接壤苟狼狽犄角且將合從以撓我兵力自俄羅
斯盟定而準夷火器無所借敗遁無所投卽乾隆阿逆
土爾扈特之事亦無所掣肘於是西北版圖開闢萬里

海國圖志 卷五十四
皆遠交近攻之力，經營于耳目之前，而收效于數十載
數世之後，豈咫尺見邇圖所測高深萬一哉！故具載本末，
俾知 兩朝聖人御邊柔遠，貽來世之深意。語曰：上
兵伐謀，其次伐交，其次伐國，志北洋亦所以志西洋也。
作俄羅斯志。

海國圖志目錄

北洋

卷五十四

俄羅斯五部

卷五十五

大俄羅斯十八部

小俄羅斯三部

南俄羅斯五部

加區俄羅斯四部

南新藩俄羅斯五部

小部落百二十有一

東新藩俄羅斯四部

西悉畢厘阿二部

東悉畢厘阿二部

西卑里十部

卷五十六

俄羅斯國沿革

元代北方疆域攷上

國朝俄羅斯盟聘記
元代北方疆域攷下

都莫斯科部

科弗利部

雅古薩部

甘查甲部

海國圖志卷五十四

歐羅巴人原撰

侯官林則徐譯

邵陽魏源重輯

北洋俄羅斯國

俄羅斯國總記原本

俄羅斯舊國，卽古時額利西意大里之東北邊地，所謂西底阿土番是也。近數百年始強盛，疆域甲於諸洲。有在阿細亞洲者，有在歐羅巴洲者，有在墨利加洲者，其在歐羅巴之疆域七區，曰東俄羅斯、西俄羅斯、南俄羅斯。

斯大俄羅斯小俄羅斯加匱俄羅斯並有所得南隅回
教之新藩地東界阿悉亞洲內部落西界波蘭普魯社
及歐塞特里南界都魯機北抵冰海裏海以東至葱嶺
為哈薩克布哈爾
愛烏罕諸國地裏海以西黑海以東為俄羅斯幅員二
新地黑海以西沿地中海東岸為南都魯機地
百零四萬方里戶六千五百萬口又有所得阿悉亞洲
之新藩地共四部落總分二區曰東悉比里阿悉比
里阿東抵海北抵冰海西界歐羅巴洲內部落南界中
國蒙古索倫幅員五十萬方里戶百有三萬八千三百
五十六口在墨利加洲內部落僅葛西模斯一小隅之

地方里戶口均無紀載其國都原建于大俄羅斯之莫
斯科後改都于東俄羅斯之比特革今仍還居舊都其
國舊本土番不通上國無異于今之韃靼里樂爭鬪嫺
騎射馬上交鋒趨捷如飛至千二百年宋甯宗嘉
泰元年韃靼
里之國汗率師擣其莫斯科國都遂墟其社即元太祖
滅俄羅斯
之至千五百年明孝宗宏
治十三年有諾戈落之人伊挽瓦爾西
者起兵恢復俄羅斯北隅並復西比里阿盡驅韃靼里
蒙古奪回三百年故疆始抗衡歐羅巴洲各國人猶雄
悍未諳西洋技藝及至比達王聰明奇杰離其國都微

行遊於巖士達覽等處，船廠火器局，講習工藝，旋國傳授所造火器戰艦，反優于他國，加以訓兵練陣，紀律精嚴，迨至近日，底利尼王攻取波蘭國十部落，又擊敗佛蘭西國王十三萬之眾，其興勃然，遂為歐羅巴最雄大國，其國都設西匿士六十二員，分為兩班，其管轄外部之官，則分數等，不問轄地之廣狹，收稅之厚薄，而以所隸奴僕之多寡為小大，其奴僕最多有十二萬五千者，官俱武職，其國之奴僕浮於兵額，在千八百十六年，嘉慶二十一年，官之奴僕有六百三十五萬三千人，民之奴僕有

九百七十五萬七千人，千八百二十年，嘉慶二十五年拒敵佛蘭西時，兵止九萬，加以鎮守兩都魯機之兵，亦不滿十五萬，即并各處礮臺防守兵，護衛兵數之，亦不足三十萬，自擊敗佛蘭西，威震鄰國，開疆拓地，閱十二年，道光十一年，即增兵至六十八萬六千，倍于其舊，然其強非因兵卒之眾，全因馬上之趨捷，其養兵之法，每農夫給田五十埃加屋一間，俾贍一兵一馬，無事則兵亦助耕，其水師亦增大戰船四十，小戰船三十有五，桅船二十有八，小船三百，水師卒四萬有四千，土人俱崇額利教，設天

文館、算法館、樂器館、技藝館、文學館、又書院一所、內藏中國與俄羅斯國之書、二千有八百冊、於是文教亦盛、所居之屋、惟王宮、官署、廟宇、以磚瓦、此外民居、多用材木、衣則長與足齊、夏衣麻布、冬披羊裘、貴人衣皆飾以寶石、金剛鑽、河在歐羅巴洲北、有四窩爾牙河、自諾戈落發源、至阿斯特臘贊入海、長二千七百里、盧威那河、自河鹿那發源、至阿占牙入海、奈斯達河、自威多司發源、至比里入海、端河、自都臘發源、至阿鎖甫入海、產穀麥、牛羊、麻布、綠絨、鹽、煤、蜜、糖、蜜蠟、酒、五金、寶石、五色木、

重輯 原無今補

萬國地理全圖集曰、俄羅斯國、北及冰海、南至黑海、土耳其國、東接亞齊亞藩屬國、西至瑞丁國、入得海隅、及陂魯斯、奧地利等國、北極出自三十八度至六十度、偏東自二十二至六十三度、廣袤圓方四百五十萬方里、居民四千八百萬丁、其地大半平坦、惟東方有山嶺、北方天氣嚴冷、野地水潦、窩地牙河、流東南、南七千一百里、入裏海、其河深多船、歐羅巴至長之河也、地尼伯河、南流入黑海、頓河、西南流入亞速海隅、土味那河、西北流

入八得海隅阿尼牙河，北流入白海，西北地多大湖，如刺多牙湖、阿尼牙湖、西峩湖是也。中央地廣坦，無樹林，皆草場游牧處。北方沿海，白海之海隅，曰澤加牙海灣。東北曰汾蘭利牙等海灣，南曰亞速海灣，各處港汊四通，但北海則全冰，船行不便。其南之黑海，由他大尼里海峽與地中海相連，故與外國海路交通甚難也。地產五穀，阜如山積，麻為帆布，橡松木為材料，運出外國者，不勝其數。其南方之馬，強健善走，又多牛，所運出之牛油、牛皮無窮。山出金、鐵、金鋼石，居民種類殊異，一曰薩

刺瓦族，居其大半，四千四百萬丁。力登族，二百萬丁。住在八得沿海，分族在西北方，三百萬丁。同達達里游牧，在南方，二百萬丁。尚奉回回之教。甲木族，六十萬丁。尚奉事菩薩，亦為游牧。日耳曼人開新地之氓，四百五十萬丁。猶太散民，五十八萬三千丁。與他族種農夫，共計三千七百萬丁。其中為國家或五爵之奴，販賣人口無禁。住城邑內良民，共計四百五十萬丁。其中有上下中品者，隸五爵者九十萬丁。不納稅賦，而多捍法網。五爵威權太重，敢作敢為。通商廣大。道光十二年，有船五千

海國圖志卷之五十四
七百二十隻進口，納關稅銀三千七百萬員，所運進貨物共計銀萬七千萬員，運出貨物萬六千二百萬員。唐朝年間，其民未向化，止遊林內射獵。唐懿宗咸通年間，有頭目招其族類，建邑開土。五代後周顯德年間，女王代理國政，進天主教，嗣位者有十二子，分給國地。由此釁隙，爭戰不息，忽為蒙古所侵，服然國王不失望於明。正德元年，將蒙古一概驅逐，時有倚萬王，好亂殘忍，城內被戮六萬人。明萬曆四十年間，五爵暨教師擇新王，靖國除亂。於康熙十年，彼得羅王幼時，為其女兄擅汗。

位幼主，隱修寺內，一面習騎射，演士卒，往白海建船通商。又攻擊南方遊牧，而開新海口，遂招文藝賢士，攻磨國民，及見女兄侍衛亂政，遂盡戮其人，親攬國政。又巡行外國，學藝術，愈久愈進，欲知造船之術，遂潛赴荷蘭國學習工師。返國後，與瑞丁國交戰，而築建新都，名為彼得羅堡。由此開海路，與八得海隅往來，水陸權勢始興。深明韜略，善曉兵機，攻無不勝，軍多船繁，各國景仰。汗沒後，其后妃攝位，亦有權謀，雖嬖幸用事，而其將帥皆得人，故其國愈廣。於乾隆二十六年，加他隣后，弑其

天王而代立淫蕩有才廣文藝召工匠養精銳屢與土耳其國交戰皆勝嗣子承統與佛蘭西肇衅連年力戰佛蘭西不得已議和其弟卽位復征服土耳其擊退白西國故此西方各國畏之皆嚴兵防範以禦其侵侮國汗操權每公會議事召國之尊貴者百二十人咨問得失令各抒意見其部爲八管宗室管外國管兵管民管刑管戶管文學每年關稅田賦雜稅共計銀七千八百萬兩軍士六十一萬丁水師大兵艦四十戰船三十五兵船二十八小舟三百水手四萬臨陣其軍士堅屹如

磐死不退走國家欠銀二萬萬文武各官俸祿甚薄多受賄枉法崇加特力天主教無異希臘教門在國都有教皇大有權勢其教主分各部廟七十萬間僧十六萬寺四百八十間女寺百五十六間衣長衫冬卽羊皮食物粗糲以大麥粉爲湯用粉水爲飲嗜酒不沐浴臥地爐以自暖以白菜養牛馬城邑良民分黨自豪視農如草人多賭蕩放恣無度八得沿海地一望蒼莽終年如冬故產物不多松榆稠密種田甚少其都城彼得羅堡內屋高如殿城建水中西風吹水入港遍街漲溢常患

水潦王廷衰四十五丈闊三十八丈宏麗光曜大廟前
立柱如林皆奴僕自建使費一千萬員道光十年商船
七百五十三進口貨價銀一萬零九百萬員出口價銀
八千三百萬員都城居民四十二萬五千丁尼瓦河口
在都城外立冤城軍局以藏兵器利牙城在八得海口
居民三萬丁每年出入船千餘又有分蘭部乃瑞丁國
所讓割之地天寒民貧其亞坡城居民萬丁皆崇上帝
之真教而拜救世主所有地財雖少天財甚厚大義羅
斯部廣大過於他部出五穀麻等貨其內古都曰木吉

城多五爵之宮室鑲以金嘉慶十六年佛蘭西侵取國
都義民自行縱火焚燬殆盡及戰勝再建復還其舊今
城中居民二十四萬丁汗建聖殿高七十七丈長二百
有十丈其城爲國之中心庶民集會之處諾鄂古市爲
貿易大館今已衰廢加路牙居民二萬五千丁巧於製
造土刺邑居民三萬五千丁鍊習鐵器都城北方各地
人民罕居土人捕魚爲業其極邊夷族甚矮以犬爲馬
使鹿如牛白海濱亦有港口冰消時商船出入不絕居
民萬六千丁白義部廣坦沃壤田居民清潔建屋齊整

海國圖志 卷五十四
會城曰吉菲四圍山青水綠風景甚美。南戎羅斯部五穀極豐足贍地中海各國其平地內有可薩種族善騎馬故國王募爲騎兵食本錢糧不取國家之祿而好劫掠爲食然用以巡邏探敵營形勢深入擄殺冒險不懼倘逢敵追卽時飛走平日安業樂務行爲樸實待旅客有禮女汗建新城在阿得撒海口商船舳舻不絕居民三萬丁。南半土及黑海者稱曰金地古時回回遊牧地產葡萄柑桔各項南菓成皮造番鹼山川秀麗柳楊相映其會城曰甲撒居民四萬丁勤務本業

又曰戎羅斯藩屬國南至滿州蒙古裏海白西爾土爾其地北及北冰海東至東海接海陝間亞默利加西連歐羅巴西南接土爾其及黑海北極出自三十七度至七十度偏東自三十六度至一百九十度諸國之最大者然其北方冰雪之地惟野獸所能生之人跡所不到其南方藩屬曰告甲俗山嶺崎嶇最高者千八百丈其山之北又復平坦窩瓦河兩邊草場玉海金山自三十至四十八之裏海廣大深淵產金銅鐵金鋼石居民勇猛風俗語音不同一曰熱阿義人本奉耶穌之教近

海國圖志 卷五十一
爲異端迷惑男女秀麗其都曰得勒城街狹屋卑但戕
軍守城以後漸入佳境一日黑海之濱名額里地四方
山嶺土君販賣人口爲奴一日勒頰阿西地種類居山
內草木暢茂禽獸繁殖五穀不登其民猛而野旣奉回
回之教與我結敵盡力擊退我軍連年攻戰不息其女
最美多賣遠方爲人妾其價甚貴如有才能往往爲國
后其會城曰迓大罕通商富財其產最繁者爲鱸魚龍
捕於裏海而賣於各國東方最豐青草蒙古等種類遊
牧其中賣馬羊牛皮貨易布疋

其東方藩屬曰西伯利一作悉畢底阿廣袤圓方一百
五十萬方里居民一百零三萬八千丁自南流北之河
曰勒那曰葉尼賽曰阿比等南方有蘇米排半兩湖終
年結冰毫無通路產金銀銅鐵寶玉嫩黃玉草木惟在
南方北地不毛惟有矮松楊樹多狐狸兔貂鼠海虎水
獺毳獸其居民各異種類南方蒙古族東南如滿州之
東如種北有撒摩葉侏儒各種大半尙崇佛不拜上帝
戕國犯罪人流於此地或逃走再捕獲則使開礦廠又
有率可薩類多爲兵四月尙冰凍所獲毳皮與蒙古通

商甚裕，所出銅五十一萬二千五百石，鐵九十九萬石，金銀百有餘萬兩。其部落之名如左：近西之藩屬曰多僕部，設大鑄礦之爐，我羅斯總帥劄駐理東地之政，南方生草木，有哈薩克游牧，頻次侵國，雖派防兵，時入鈔掠，北方無物產，但調營汛收其土貢，有芸益斯部，遍地草場多礦，不通商路，城內防兵四千，與哈薩克常結衅，有東色部，豐盛出穀蒸酒，士民沉湎，有東方耳谷部，甚廣大，銀鉛礦廠有名，居民秀雅好學，以皮及鉛爲賦，有他甲城在蒙古交界，漢我互市，彼此獲益，但陸商不如

粵東海商之盛，牙谷部在凍地，惟三月內冰消雪散，但其居民射獵，以毳皮爲市，稅官索需剝削，故民至飢寒，有阿谷部在東海之濱，其會城在海隅，與隣島通商，土官惟征其皮貨，餘皆不毛之地，有堪察加部，極東北，長半土，少草木，繁野獸，土民矮小，以魚爲食，多居地穴，用犬如馬，好淫醉，我羅斯開口貿易，爲罪人流徙之所，極東亞律羣島，自亞齊亞極東至亞默利加，皆磽瘠，但有皮可市，古利羣島，接日本國，半歸我羅斯，惟南洲服日本也，我商賈歲往取皮，亞齊亞東北之極，居民無主。

並不服義羅斯，但將皮易烟。原無今補

地球圖說義羅斯國。職方外紀作莫哥斯，東界亞細亞，未國或作麥可斯，未

大洲內，西比利亞國。即義羅斯屬國南界黑海，并土爾基國，西

界裏海，并波路西國，阿士氏拉國，并土爾基國，蘇以天

國，挪爾圍國，北界北冰洋，國之東有高山一帶，名由臘

山，中央平坦，栽種五穀，可為牧場，其百姓約有六千七

百萬之數，都城名彼得羅城，城內民四十六萬，有希臘

教。其規則見希臘國圖說內天主教，回教，猶太教，所用之人，皆自

外販入為奴僕，內有莫斯科高城，昔是國都，道光十七年

被佛蘭西國侵伐，其城燬於地雷火炮，今雖修築完固，

然不復建都矣，其民多居國南，少在國北，以地近北冰

洋，天氣極冷也，內有大江四，曰服拉加江，地尼伯江，土

喂拿江，烏拉江，其南方一帶高山，名告甲素山，計高一

千八百丈，土產麻布皮貨，金紅銅鐵金礪石木料胡麻

五穀。原無今補地里備考厄羅斯國，分三州，一在歐羅巴州，一在亞細

亞州，一在亞美加州，疆土甚廣，烟戶實繁，在歐羅巴州

之北者，北極出地四十度起至七十度止，經線自東十

海國圖志 卷五十四
六度起至六十二度止，東至烏拉爾山，暨加斯比約海，西連瑞西、布羅西、波羅尼、奧斯的里四國，暨州中海，南接土耳其、加拉哥維二國，暨黑海、北枕冰海，長約七千六百六十里，寬約五百里，地面積方約二百七十五萬里，烟戶五京六兆五億口，地勢平坦，東南山阜，紆軫絡繹，湖河之巨，出歐羅巴州各國之上，河至長者曰窩斯加，曰敦，曰聶卑爾，曰北者拉，曰科內加，曰都納，曰內襪，湖至大者曰拉多加，曰科內加，曰薩壹馬，曰北壹布，曰巴牙納，曰壹爾門，其田土以附近河岸者為膏腴。

北方各地至六十度外，皆屬不毛，西南多黍麥，東方則砂磧瀉鹵，北方宜苡麥、油麥，中央則胡麻、黃麻，土產黃金、銅、鐵、礬、硝、白、玉、水晶、紋石、滑石、磁器等物，地氣北方則冬月川河盡冰，有夜無晝，夏季終日雲霧，有晝無夜，南方則天氣晴和，萬物蕃盛，王位男女皆得襲嗣，惟以長幼為序，奉額力西之天主教，別教亦不禁止，工技藝盛，商賈本國古稱薩爾馬西，乃斯加拉、卧尼國所分，迨斯干的那威國人祿利哥者，與師克之，傳至烏拉的米爾父子，始定律例，建學闢肆，金宣宗元光二年，為蒙古

海國圖志 卷三十四
三
侵占越二百五十四載。至本國宜萬王時始征服蒙古。並取悉卑里亞東北全地。明萬曆中波利斯王薨後。國政紊亂。為波羅尼國所奪。嗣傳至伯多羅王。年少勤政。務稼穡。通關市。攻破瑞西國。威震鄰邦。因謚曰太。傳至加達利納女王。宵衣旰食。攻克波羅尼亞國。吞併土耳其亞國各地。大闢疆土。遂為歐羅巴州強富巨邦。至亞勒山德黎王。與東國結盟。共拒佛蘭西國。擊敗那波良之軍。其弟尼哥勞。於道光五年即位。是本國現在之君也。本國地方鎮部。其鎮四十有九。北方則十二鎮。一名

桑比德爾斯布爾厄。建於內襪河濱。乃本國都也。最為富麗。一名亞爾干日。一名非蘭的。一名科勒內。一名斯多尼。一名里窩尼。一名北斯哥弗。一名諾弗哥羅。一名窩羅科達。一名的威爾。一名日羅斯拉。一名哥斯德羅。罵南方則四鎮。一名究。一名給爾孫。一名厄加德黎諾。斯拉。一名道里達。西方則八鎮。一名孤爾郎的。一名威德比斯哥。一名摩宜勒威。一名明斯克。一名維里納。一名哥羅德諾。一名窩黎尼。一名波多里。東方則八鎮。一名白爾摩。一名維牙德加。一名科倫布爾厄。一名加三。

一名新比爾斯克一名奔薩一名薩拉德夫一名亞斯
達拉干中央則十四鎮一名墨斯溝一名斯摩梭哥一
名瓦拉的迷一名尼內諾烏科羅一名加婁架一名斗
拉一名里牙三一名當波弗一名科勒爾一名古爾斯
克一名窩羅尼日一名者爾厄科弗一名加巴的哥海
中則三鎮一名達科一名厄塞爾一名亞蘭其部則四
一名敦部一名高加索部皆在東南方一名比牙黎斯
德部在西方一名北薩拉比亞部在南方其國通商衝
繁之地內外不一半瀕海邊半屬內地之埠原無今補

外國史略曰俄羅斯國之始本游牧部落在歐羅巴東
方其號俄羅斯始於唐敬宗寶曆中其後五代周世宗
顯德二年國王娶希臘國王女進天主教百姓向化遂
以全國分其諸子爭端日起分國爲二始與他國往來
通貿易南宋寧宗嘉定年間爲蒙古所有納貢賦百餘
年屢叛屢服明英宗正統間舊俄國以文第一王募萬
民合力以驅蒙古適蒙古王族內釁俄國遂恢復舊圉
且攻據波蘭國其子號以文第二王尤好武戰無不勝
攻據東方大地雄占阿西亞州幅員愈廣政令嚴酷旋

爲其下所弑於是波蘭國王來干其國政然波蘭之政尤暴虐萬厯四十年遂激民變共焚國都驅逐出境於是教主五爵咸集羅馬城擇立國君後與土耳其國爭教肇衅其教主教師不傳業術五爵操權通商止在內地不出外海康熙十年彼得羅大王卽位年尙少其姊攝權因與土耳其戰在黑海據一港口由是備戰船五十航海以護商船聞荷蘭各國巧於建船其王遂潛往英國船廠學習器械歸練水師與瑞丁國戰九年瑞丁敗讓巴得海港以東各地遂建新都稱彼得羅堡以爲

市埠日漸雄盛瑞丁復結土耳其國來攻鏖戰三次而後平是時我國水師船四十一艘水手萬四千名炮二千一百門遂自帝其國立律令在裏海與白西國戰通商南海又與中國立和約立館北京定界碑於黑龍江後我國女王嗣位佞臣營私與土耳其國破路斯屢交戰府庫空虛乾隆二十六年世子嗣位受制於妃女王自立又擅我國之政使其嬖臣據波蘭國拘其舊主且激希臘人叛土耳其國以抑回教遂與東國破路斯兩國分其地再攻擊土耳其基女主死其世子亞勒撒得嗣

位又值佛蘭西國大變，我國與東國破路斯國結盟，攻擊佛國，屢見敗。嘉慶十一年，與佛君那波利穩王議和，會佛國嚴禁各國與英吉利通商，而我國不從，遂肇衅。嘉慶十六年，佛國王領兵六十萬以伐我羅斯，我見其勢大，引軍先退，清野堅壁以待。佛軍直抵其都，忽宮殿火起，焰烈四延，佛軍奔潰。冬月冰雪中，沿途凍餒，無所食宿，我國選勁騎乘勢追擊，殲敵大半，餘走匿日爾曼國城中。我羅斯又結東國破路斯國之兵數十萬以報前怨。嘉慶十八年，復大戰，佛軍大敗，竟破其都，逐其國。

王自後我國威權大震，其君亞勒撒得王，道光十五年薨，其弟尼可老卽位，政令嚴肅，與土耳其國戰，獲全勝。在列西國中最爲強盛，其地在歐羅巴者，廣袤方圓七萬五千里，幾占歐羅巴州之半，別有阿西亞北方全地，計二十七萬九百里，兼亞默利亞西北地，萬七千五里，得全地面八分之一。北極出地自三十九度至七十八度，經度自三十六度至二百四十七度，南界土耳其東國黑海，白西國東南界西域新疆，蒙古黑龍江，北及冰海，西界瑞丁巴得海隅，及破路斯國東國土耳其國，此

海國圖志 卷五十四
爲一大陸地也其在歐亞兩大地之間有葱嶺高山連
及亞西亞藩屬地亦多山其國內地悉平坦有草無木
一帶沙漠多湖最廣者裏海乃天下最廣大之湖也水
面方圓六千八百二十六里與海無異尙有在北地之
拉多牙湖廣袤方圓二百九十二里江河最長者曰阿
被河長五千八百里熱尼西河七百里里那河六百里
皆在亞西亞藩屬地並北流入冰海窩牙河在歐羅巴
地長五百里東南流入裏海地業江長二百七十里頓
河二百四十里得尼得比等江其水各入大河或流入

黑白裏海因水道廣通故舟楫四達天氣甚冷冬時地
遍冰雪居民少食多眠若行路則駕犬馬與鹿推行冰
上其山礮無樹木地廣民希統庶民六千二百五十萬
語音風俗大同小異又有撒窩匿族類與我國語音相
同力得族類四千七百七十三萬在巴得海隅邊者二
百萬有實尼族類在此地者三百八十萬日耳曼國之
客氓遷此者五十萬別有在北地四百萬餘其民巧捷
勇猛亞米年務貿易之民五十八萬猶太人二百一十
八萬蒙古游牧族類四萬滿州打牲族類四萬東北族

海國圖志卷三十四
類五萬，北方矮民族類一萬八千，雜類十萬，崇希臘天主敎者四千二百七十萬，奉天主教、耶穌教、回教、佛敎、教師禮拜堂甚多。道光十六年，所生之男一百零四萬七千名，女九十九萬九千名，其奴自耕其田者六萬七千，據地者百二十五萬，佃富民田者六百六十九萬，佃官田者百五十六萬，習技藝百工者二十一萬，五爵所轄之農千有百三十六萬，城邑居民百二十六萬，商賈十二萬，五爵男女上下約四十萬，各官吏役二十萬，各教師、祭司及各敎門二十萬，軍士約二百萬，五爵不納

餉，以奴爲產業，任意販賣，居民九分之八，居住鄉里，多草寮，無瓦屋，其圍一千五百所，鄉一十五萬所，其氓多出遠方招至，開墾新地，大、半日爾曼國之民，每年雲集在山內者，多以掘礦爲生，在北方冰地者，恃漁獵爲業，惟國中有田，方圓約二萬里，餘皆荒地，農民三千八百二十八萬，產大麥、粟、豆、三角等穀，西南地產穀頗多，尙有餘，運出他國，其草場雖廣，不足肥牲畜，有野馬，日走千里，其騎軍最趨捷善戰，每歲運出縣羊毛值銀一千一百四十二萬員，南方養駝，約四萬六千五百隻，林木

海國圖志 卷五十四
多在北方其林地方圓二萬四千餘里材可造船兼養
蜜產蠟南方無林木則養蠶國多漁戶北方冰海則捕
鯨之價每年約四十八萬六千員其最大之魚磯在裏
海有鱗龍魚狗肚魚等每年獲值銀約千四百萬員山
開礦產五金亦產寶玉金剛石俄人不善製造而禁外
國人所造之物運入本地惟招外國人入境教之國中
有能製造新奇者必賞之然所造之人皆用奴工價省
而賣價昂終不如各國之精良也道光十九年製造之
廠計共六千八百五十五間匠人四十一萬五金廠四

百八十六間製造之價銀二千餘萬員其君嚴禁外國
羽呢入境亦禁出境只在蒙古地方與中國交易所賣
之呢皆俄國土人所織。其通商各地在亞士他干及
那峩鹿邑每年所賣貨物萬一千萬餘圓外國物件三
千六百萬圓茶葉三萬四千箱價約百八十一萬圓粗
茶七千箱價值七十二萬四千五百圓中國布帛線緞
價值四萬五千員其國內窩牙河等水路商舟一萬六
千一百五十隻筏三百其貨價共計二萬萬員在阿加
並所滙入之江計舟五千六百八十隻筏六百其貨物

價值銀七千五十九萬六千員，加馬並所滙入之江舟二千五百六十隻，筏一百四十，貨價七千一百八十二萬，北地那江舟二千，筏二千六百五十，貨價二千零七十八萬九千圓，在湖面之舟一萬八千，貨價一萬三千二百二十萬圓，西士那江舟二千三百五十四，筏一千九百八十，貨價六十二萬員，威悉河舟六百九十，筏三千七百六十，貨價六十二萬員，地尼得河舟二十，筏九十，貨價七萬二千員，地業河舟一千九百五十，筏一萬二千四百二十，貨物價值一千一百三十八萬員，頓河

舟五百八十，筏三百，貨價七百五十三萬三千員，蓋我
國多山，江河上游皆淺，故舟少筏多，異於他國。又在
亞西亞藩屬地之阿比河，舟百九十，貨價百四十萬員，
熱尼西河，利那河舟四百七十，貨價三百四十三萬員，
○我國居民無志航海，惟在本港與外國商船貿易，道
光十九年，運出者共計九千四百八十二萬八千員，運
入者七千一百十八萬員，稅餉道光十年，千九百七十
二萬員，十九年，二千六百四十萬五千員，道光二十年，
運出羽呢布匹絲線五金器皮物價銀三百六十一萬

五千員，運出者銀六百八十九萬三千圓，其通商之地，在巴得海隅之彼得羅堡，爲其國都，乃最廣之港也。尙有利牙利瓦等海口，有白海隅之天使魁邑港口，有黑海之阿得撒但各港口，有在亞士弗小海隅之他安鹿口，又在裏海之大港口，與亞士他干及白西國通商，在亞西亞藩屬國，有阿林下，與中國交市，在西域通商者，有奇瓦布加拉可干等地。

我國本非一國，由兼并各地，半在歐羅巴，半在亞西亞，今共分十一大部，其北地在白海之南，廣袤二萬四千

四百四十六里，居民百二十五萬，西北有大島，四時冰雪，白熊海犬所集，人蹟不到，土人穴居，貧乏少食，惟使犬使鹿，無他牲畜，南方多木，其都會曰天使魁，亦古港口也，各國之船雲集。○其中央分十九郡，稱大義羅斯，廣袤萬四千八百八十三里，居民一千八百六十八萬，各地平坦，豐五穀，彼得羅堡，其大港口也，城建於康熙三十九年，冬春恒冰，各貨物載於冰車，運至都中，其居民不善工作，技藝惟賴日耳曼國及各國寄寓之人，以足其用，尤防海潮水一漲，則其都危矣。○國之古都曰

海國圖志 卷五十四
莫斯科在國中央，戶口殷繁，商賈雲集，街多且廣，嘉慶十七年，佛軍侵界入都，土人潛縱火，佛軍二十五萬，潰逃一空，斃者四萬，殿宇多爲瓦礫，兵退再建，愈壯麗，居民三十四萬，那峩鹿城，在明朝最盛，爲我國之大市，多禮拜堂，有極美之塔，居民一萬，士拉邑，爲製造之藪，有匠七千，造鎗炮各項鐵器玩物，居民三萬五千，加路牙邑，居民二萬七千，造皮氈篷布，士摩憐邑，居民二萬，嘉慶十六年，佛我兩軍血戰之地。其在巴得海隅之部有三，共廣袤千六百一十六里，居民百五十七萬，一日

益蘭部，其原土民在沙地，爲農地，主半日耳國人，產麻穀等物，其海口都會曰利瓦，居民萬五千，每年出入船約百隻，在此鑄炮鑄鐘，二曰勒蘭部，地平坦，出五穀，居民耕田爲奴，操權者皆日耳曼之族，其港口都會曰利牙，居民五萬八千，進出船千二百隻，貨價四千萬圓，運出者多五穀，有肄業之院，三曰古耳蘭部，地多澤沙漠，無產，其氣冷，僅有麻穀，亦賣與外國，都會曰米道。○賓蘭部，方圓六千四百里，居民百四十三萬，內多林澤，惟河邊有居民，餘皆荒蕪，風俗亦殊，天氣甚冷，居民崇耶

蘇教城邑基少，屋皆草舍。○白峩羅斯地分三部，廣袤三千五百八十五里，居民二百六十七萬，地多林，百姓以獵爲生。鮮大邑，居民多農，天氣冷，無多產。都會曰閔士其。○小峩羅斯方圓九千九百二十九里，居民千一百一十二萬，地分八部，爲峩國之重地。一曰窩利尼音部，地最豐盛，多牧場，資牲畜，又多密林，製造極巧，與鄰地貿易。二曰破多鄰部，有山嶺，高不過五十丈，居民務農，亦有游牧之人，地平坦，耕田以馬，極其勁健，民數約七十萬，每遇招募騎兵，則一呼雲集，然易生叛亂，故峩

國畏之，其頭目亦有武官長領等，峩國之官在北地無大權，幸其民猛而有信。○破蘭國廣袤萬三千里，居民千五萬，惟五爵家有十萬丁，餘百姓皆奴，與峩族無異。惟自昔五爵多據地，明洪武年，王室廢，所有新王必聽五爵推立，乾隆嘉慶年間，峩國屢合衰國之兵，以分其地，削其權，遂不立君，聽命於峩國焉。其國廣袤二千二百六十七里，居民四百四十二萬，五穀豐登，其農夫皆奴，其都會曰瓦久，居民十三萬，其城邑乃甲勒律寶蘇瓦，其多草舍，民貧乏，大半尙天主教。○又利道地部昔

與破蘭合廣袤千八百二十九里居民二百四十二萬地悉平坦多瀦水土產五穀麻木料物蜜糖蠟居民多養牲畜亦造酒皮鐵器農甚貧五爵則富其都曰威拿城居民四萬○新峩羅斯國在西南方係所取土耳其基國游牧地也廣袤五千一百一十九里居民二百二十八萬在多惱河土耳其國之交界多游牧建城防範界內無水無林木土雖豐鮮產物其一郡曰吉孫大半平坦多牧場民不知耕招來氓開墾在亞士弗海隅有折孫之半地係昔回回游牧之所南方甚豐出葡萄甘椹

各果氣甚煖地甚富羊皮甚柔他國爭貨之○沿裏海之地廣袤萬一千零二十里居民五百八十八萬本山地分爲六郡大半屬亞西亞在裏海邊其都會曰亞士他干城居民四萬多漁戶大半回回族加撒郡居民四萬亦多回族地豐盛多產物但民多愚惰故地如荒野○其歐羅巴亞西亞中間之地廣袤萬一千七百五十三里居民四百九十一萬此地_在烏拉山內天氣甚寒不出五穀多五金之礦居民以掘礦爲生其都爲阿林布北耳米兩邑其在亞西亞州之藩屬地所稱西比利

海國圖志 卷五十四
亞者廣袤二十一萬九千四百五十方里，係亞西亞北方全地，居民五百七十八萬，北有大澤，夏時尙見冰雪，西南有豐地，出金沙紅銅鐵寶玉及象，居民半崇釋教，以游牧漁獵爲生，南有林木，亦出五穀，民不知耕，東方有半地曰千查甲，有兩港，通貿易，其地大半冰雪，出礦地分東西兩國，其都會曰多薄斯，通貿易，又有曰雲士其，曰雅谷士，曰其甲他，及東邊阿谷士各海口。其山外之地分十郡，大半昔屬土耳其，白西等國，居民多回族，在裏海並黑海之濱，其山內百姓，連年與我朝戰，而

敗退陣亡者千萬，其男以獵爲務，好虜掠，其女最美麗，回回國人販買之。在谷內有崇天主教之族，曰亞耳閔，曰執阿耳義，皆安分貿易，土豐盛而民不知耕，最大邑曰以利文，居民萬五千，距白西國不遠，又有得賓邑，治利文邑，得勒邑，皆所轄也。額耳西地，廣袤二萬六千九百里，居民四十二萬，距中國新疆不遠，民多游牧，我朝與新疆日相侵伐，崇回教，嘉慶二十三年後，歸我朝權轄。其在亞默利加西北方之藩屬地，廣袤二萬四千四百五十里，居民僅二萬，海邊之埠數百，皆我人

居之漁獵爲事以魚爲食又有列羣島曰古利曰亞來
地方圓七百五十里居民五千在港口以皮易食物依
海業漁尤以捕鯨爲業

義民頗聰明語音各異廣招外國賢士以化其民制度
從佛蘭西文學從日耳曼行藏甚巧和顏耐苦偶遭酷
虐卽作亂惟上品之士好遊各國然國君嚴禁外出焉
義軍勇戰甯陣亡不後退他國畏之嗜飲少食農衣羊
皮民半貧乏其富者賭博宴飲侈靡糜費貧民小犯罪
鞭責與牲畜無異俗重其君所賜號與爵同榮百姓不

好文字設學館萬一百五十內有學生六十六萬禁各
種書冊不准百姓誦讀然繙譯外國書本頗多

義國之政王自操權五爵大臣不敢干預國無定例亦
不遵舊章任意出令故其君多自尊大妄行幸人各嚮
服遵約束爾其政務有十三大臣分司之並有公會議
國大務亦有教主司教事國帑所入銀萬五千五百萬
員稅餉最多者酒課每年三千六百萬員國內務每年
用銀三千三百萬員其兵陸路費銀二千萬員國欠項
銀四萬九千六百萬員兵士共計六十一萬錢糧甚微

其兵船在巴得海隅、黑海、白海、裏海各處派調共兵船三百四十隻，載大炮六千四百四十門。○我國與各國往來，調公使大臣駐各國之地，在土耳其國兩侯之北地，居民三百八十五萬，咸賴我國保護，其權勢最為浩

大原無今補

烏拉山內金礦，每年約金沙九千觔，紅銅六萬石，鐵三百三十九萬八百石，鹽二百二十三萬八百石，運出者皮貨、麻、牛油、絲、花、木料、呢羽、繪畫、珠寶等物，運入者米、糖、茶、葉、茶餅而已。見外國史略

東俄羅斯五部以下原本

比特革部，東界那阿俄落西界里圭南界波斯波付北界宏蘭在東俄羅斯之

北，俄羅斯王遷都於此，幅員萬八千零九十方里，戶八十萬，又八千五百十二口，轄小部落六，兵五萬五

千，疆域平蕪，濱海岸，饒林木，田疇互錯，惟天寒多冰雪，遇潮漲風烈，水漫溢為患，故千八百二十九年，道光

九浸溺幾及萬人，產稻、麥、樹木

宏蘭部，東界阿占牙爾西界海南界比特革北界海在宏蘭港之北，距綏

林國僅隔一港，層巒疊嶂，林深箐密，冬寒雪厚，幅員

十三萬四千四百四十四方里，戶百有三十四萬六千一百三十九口，轄小部落三十有三，土番宏土種類，淳樸勤力作，語音朗爽異他部。

里圭部，東界比特革南界利窩尼阿西北界海，在宏蘭海港之南，平行

多湖，夾岸茂林，美田疇，播種豐稔，幅員六千八百九十

十方里，戶三十九萬零三十二口，轄小部落三，土番

宏土種類，皆習額利教，其地本屬綏林，千三百年，元成

宗大德四年為耶馬尼所奪，後歸俄羅斯。

利窩尼阿部，東界比特革南界利窩尼阿西北界海北界里圭，亦在宏蘭海港之

南，窪土多湖稠樹，厥田稱上上，幅員二萬一百一十方里，戶七十三萬七千七百三十四口，轄小部落五

土番宏土種類，皆習額利教，其地本屬綏林，為耶麻

尼所奪，今歸俄羅斯。

戈蘭部，東界利窩尼阿南界威爾那西北界海，亦在宏蘭海港之南，少

北，平壤有湖叢樹木，豐五穀，幅員九千五百四十四

方里，戶五十六萬八千六百九十口，土番宏土種類

皆習額利教，其地亦本屬綏林，為耶麻尼所奪，嗣歸

俄羅斯。

海國圖志 卷五十四
落皆白俄羅斯幅員十六萬五千方里戶八百八十萬
口人甚粗魯地多沙石耕僅餬口產鐵木蜜糖及豹狼
熊牲畜

威爾那部東界敏塞南界俄羅斯西界普魯社北界戈爾蘭轄小部落二十
有七首部部落即名威爾那有教習技藝館教習天文
館教習造船館貿易蕃盛

俄羅儼部東界敏塞南界窩爾尼阿西界瓦肖北界威爾那轄小部落十有
四首部部落即俄羅儼本渣遮爾倫故都今則宮室僅
存基地

威底塞部東界斯摩速西界威爾那南界敏塞北界伯斯果甫轄小部落二十
有二首部部落即名威底塞貿易亦盛

敏塞部東界目希里甫西界普魯社南界窩爾希尼北界威底塞轄小部落三十
有五地卑溼南隅多湖恒有水患

目希里甫部東界斯摩速西界敏塞南界查尼俄甫北界威尼塞濱海轄小部
落十有三首部部落即目希里甫商賈所匯

屋列尼部東界布爾多瓦查尼俄甫南界卡爾西界牙里西阿查肖北界窩爾希尼阿轄
二大部落窩爾希尼阿波羅里阿均白俄羅斯也域
內有奈己河河東屬俄羅斯河西舊屬波蘭今亦全

屬俄羅斯

窩爾希尼部

東界幾甫西界瓦肖南界波羅里北界敏塞

轄小部落三十

有一和暖平蕪疇錯豐稔產穀酒牛羊

波羅里阿部

東界幾付北界窩爾希尼西界牙里西阿南界沙臘彌阿

轄小部落

十有七平曠略有小山田疇美商賈盛

海國圖志卷五十五

北洋

大俄羅斯十八部

莫斯科部

東界阿那里麻南界都臘西界斯摩速北界底瓦

本俄羅斯舊都

也封域寥闊故曰大俄羅斯幅員萬有五百方里戶

百二十八萬九千八百二十口轄小部落三兵二萬

二千土番皆習額利教北界近綏林層巒疊嶺林木

葱蘢天寒多雪尚不害麥亦產穀佛蘭西那波利稔

王曾率師來侵踞其國都為火所焚不戰自潰死者

邵陽魏源輯

無算，敗績而遁。蓋俄羅斯設計空城，伏火以待也。先是莫斯科之屋，廬牆用木板，上覆以瓦，或有以鐵為門，以鐵代瓦者，自遭兵燹，極目荒曠，行人常虞迷失。嗣後鳩工修築，磚瓦崇麗，修廟則仿之韃韃里，造衙署監獄，則仿之佛蘭西，而寶利之輪奐，營帳之嚴壯，皆埒諸國。現存大鐘一，寬六十七忽，八寸為忽，重二萬二千頓，約值銀七萬棒，五員為棒。大礮一，內寬可容坐一人，從未施放。

那窩俄落部，東界窩鹿那，南界底瓦西，西界比特革，北界阿羅義斯。地處北隅，並

韃麻爾底、瀕海各地，為至蠻悍之區，不受約束。後為蒙古韃韃里王所奪，疑即元太祖所攻服之欽察也。至俄羅斯伊挽王始征服其地，幅員五萬六千五百五十一方里，戶九十一萬五千五百口。轄小部落八，壯麗雖不及國都，亦俄羅斯至大之部落。

尼斯諾科部，東界加辰，西界窩拉里麻，南界水耶，北界果士多羅麻。濱臨窩爾

牙河，為阿細阿洲歐羅巴洲各國商賈所聚。惟河漲時有淹之患，幅員二萬五百零一方里，戶百三十四萬口。轄小部落五，土番皆習額力教。

阿那里麻部東界尼斯諾科西界莫斯科南界阿優北界耶羅斯羅幅員萬八千六百六十九方里戶百三十萬六千零四十六口

轄小部落四土番皆習額力教產鐵器

底窪部東界耶羅斯羅南界莫斯科西界伯斯果甫北界諾科落附近窩爾牙河

幅員二萬四千二百三十三方里戶百二十三萬三千

三百五十八口領小部落五土番皆習額力教

都臘部東界阿優南界阿里爾西界加魯牙北界莫斯科幅員萬一千九百

零四方里戶百零九萬三千七百二十口領小部落

四土番皆習額力教產鐵器居人富庶

加魯牙部東界都拉西界斯摩速南界阿里爾北界莫斯科幅員萬二千七

百三十六方里戶百十五萬九千六百口領小部落

四土番皆習額力教土腴產粗尼粗布貿易蕃盛

阿臘爾部東界窩羅義斯南界戈塞西界渣尼俄甫北界都臘幅員萬六千七

百七十九方里戶百二十七萬零八十五口領小部

落五土番皆習額力教美田疇產稻穀運售于比特

革

窩羅義斯部東南俱界端戈沙斯西界戈塞北界旦摩甫附近端河俄羅

斯比達王始得其地幅員三萬二千四百八十七方

里戶百有四萬四千八百二十口，領小部落十一，土番皆習額力教，土沃商賈盛。

斯摩速部，東界莫斯科，南界阿臘里，西界委的塞，北界底窪。幅員二萬二千

零八十八方里，戶百二十九萬七百有五十口，領小

部落六，土番皆習額力教，廟宇華麗。

伯斯果甫部，東界底窪，西南界委底塞，北界比特革。在大俄羅斯之西，

幅員二萬二千二百九十三方里，戶七十八萬三千

九百四十口，領小部落四，土番俱習額力教。

耶羅斯羅部，東界果斯多羅麻，西界底窪，南界窩拉里麻，北界窩麻那。在大俄羅

斯之中央，幅員萬四千五百二十八方里，戶百有二

萬二千九百九十口，領小部落五，土番皆習額力教。

窩祿那部，東界俄羅斯，南界巴母，北界阿占牙爾，西界諾戈落。在大俄羅斯之

北，幅員十六萬三千七百有十二方里，戶八十萬零

二千一百七十口，領小部落十有九，樹木蕃茂，俗尚

織機，不產五穀，皆仰商販，土番皆習額力教。

阿羅義斯部，東界阿占牙爾，南界諾科落，西界宏蘭，北界阿占牙爾。在大俄羅

斯之北，幅員七萬有七百八十九方里，戶三十五萬

二千九百口，領小部落七，土番俱習額力教，多樹，少

五穀仰商販

阿占牙爾部 東界阿細阿洲俄羅斯西界 在大俄羅斯之北幅員三十四萬六千一百三十三方里戶十

六萬二千六百六十口領小部落四十有五糧食俱

出南方商舟運至舟不回帆至卽折鬻為薪以材木

賤也土番皆習額力教俗皆業漁

赫阿匱部 東南俱界旦摩甫西界 幅員萬四千五百

五十三方里戶百二十七萬二百九十口領小部落

五土番俱習額力教

果斯多羅麻部 東界未壓加西界耶羅斯羅 幅員三

萬八千五百七十方里戶百四十二萬二千七百口

領小部落六土番皆習額力教

戈塞部 東南俱界阿羅匿斯西界 幅員萬四千九百

五十四方里戶百六十一萬一千有五口領小部落

五土番皆習額力教

小俄羅斯三部

幾富部

東界布爾多洼，西界牙爾西阿，南界卡循，北界阿爾希尼阿。

土宜耕種，本

俄羅斯舊地，前為韃靼里，波蘭兩國所據，後復奪回。

幅員萬七千五百五十七方里，戶百三十五萬三千

八百口，領小部落二十有二，首部落有新舊之別，舊

城廟宇多荒蕪，新城極壯麗，土番皆習額力教，俗尚

潔勤工作，屋牆俱飾以白，人多好勝。

查尼俄南部

東界戈塞，南界布爾多洼，西界敏塞，北界阿葛爾。

幅員二萬二

千九百八十八方里，戶百三十七萬八千五百口，領

小部落七土番皆習額力教

布爾多洼部

東界阿羅匿斯西界幾付南界斯底里加那甫北界查尼俄付幅員萬

六千八百零十方里戶百九十三萬三千口領小部

落五土番皆習額力教土產穀麥農商富庶

南俄羅斯五部

南俄羅斯平衍宜麥土番西底唵最曠野至俄羅斯

比達王加底尼里王時漸歸教化

加底里部

東界端科薩斯西界卡循南界擣利達北界布爾多洼

幅員二千七百九十

六年波爾王始設部落招商賈今則為俄羅斯國中

等之準幅員二萬九千七百五十五方里戶九十四

萬四千九百四十口領小部落四土肥而難于取水

卡循部

東界加底里那斯拉付南界擣利達西界密沙拉米北界幾付

幅員二萬五

千七百二十八方里戶五十二萬三千六百口領小

部落十有一

擣利達三部，又名格里彌阿，北界卡循，東南西俱界裏海。在歐羅

巴俄羅斯極南，幅員四萬三千五百六十二方里，戶

四十三萬七千四百口，領小部落四，小山層疊，螺髻

可觀，和暖稱樂土，前屬耶麻尼，後屬韃韃里，俄羅斯

連年攻戰而得之。

密沙那彌部，東界卡循，西界普魯社，南界裏海，北界波那里。幅員萬八千七

百一十方里，戶三十一萬口，領小部落八，至新羅

端戈沙司部，東南俱界歐色特里，西界窩羅匿斯，北界冰耶新麥塞。幅員七萬

七千零三十四方里，戶三十一萬口，領小部落十有

九，土番本韃韃里種類，修偉淳樸，富足好施，家居力

作，征戰奮勇，部落生殺自擅，所征賦稅，每年稍助俄

羅斯新藩兵餉而已，查加色，首部落也，濱臨端河，常

被水患，遷城高阜，仍其舊名，民免昏墊，而貿易不若

舊部之便。

北洋

俄羅斯國

--	--	--	--	--	--	--	--	--	--	--	--	--	--	--	--	--	--	--	--

加匱俄羅斯五部

加匱領大部落五，加匱未壓加、新麥塞、冰耶、巴母、本
韃韃里之地，至千五百五十年。
明世宗嘉靖三十九年。
 始歸俄
 羅斯。

加匱部，東界阿臨默，南界未壓加，西幅員二萬二千

二百七十二方里，戶百有十三萬八千八百口，領小
部落五，先時街道咸鋪木板，嗣因不戒于火，改用磚
石，地多樹木，產銅鐵，土番普魯社種類，勤耕種，精焮
皮，製造番覲。

未壓加部 東界巴母西界果斯多羅南界加區北界窩麻那 幅員四萬七千

三百八十一方里戶百二十六萬九千五百口領小

部落十有二土番普魯社種類產五穀多運售于阿

占牙爾兼產銅產番靛

新麥塞部 東界荷林墨西界冰耶北界加區南界端戈沙斯 濱臨窩爾牙河

幅員二萬九千九百一十方里戶百有九萬五千一

百四十口領小部落七土番普魯社種類出產銅鐵

樹木

冰耶部 東界新麥塞西界單摩甫南界端戈沙斯北界加區 濱臨蘇臘河幅員

萬六千五百九十七方里戶百有四萬四千八百口

領小部落五土番普魯社種類勤耕種地多樹

巴母部 東界阿細亞俄羅斯西界未壓加南界荷林墨北界阿鹿那 幅員十二萬

七千零一十七方里戶百二十三萬二千四百七十

口領小部落十有五土番普魯社種類西隅之山產

銅鐵尤旺

西一千四百八十里
南一千四百八十里
東一千四百八十里
北一千四百八十里

俄羅斯南新藩五部

俄羅斯南新藩之薩加社、納希斯丹、諾尼阿、阿沙塔、千、阿鄰默五大部落，同屬一區。內有高加薩斯大山，外臨黑海裏海，壤地崎嶇，不與各國往來。人皆化外，恃其險僻，謂無人敢侵其境。未幾，諾尼阿蠻區竟為巴社所奪，尚有濱海數小部，亦為都魯機所奪。而薩加社等部落，是時又為俄羅斯所有。嗣因諾尼阿背叛巴社，俄羅斯率師征服，并得土魯機所屬之數小部。從茲濱海蠻區，悉為俄羅斯屬地。土番皆習馬哈

墨回教小諳文學技藝劫掠為生俄羅斯設兵設官極力撫導惟阿林墨部近已歸化同于內地次則薩加社亦加馴服阿薩塔干平地多有韃韃里流寓之人設勘官名管束稅其牛羊尚遵法度若諾尼阿納希斯丹則粗蠻如舊因其地與巴社附近欲藉其力以捍拒雖有官彈壓羈縻而已

薩加社部東界納希斯丹南界諾尼阿西界黑海北界阿薩塔干境內崇山峻

嶺最高曰高加薩斯山千三百二十丈終年積雪土不饒而宜麥領小部落十有四首部曰摩斯諾設有

礮臺地極崎嶇自俄羅斯闢山路造橋梁五年始葺設總領一人及玉士領千五百名玉士領武官也所乘馬皆雄壯善走兵器弓矢鳥銃甲堅能禦銃彈所蓄奴僕分二等一備戰陣一司耕作其備戰之奴僕多至萬人修偉趨戰女多妍麗出則以布蒙面躡木屐童女以皮束下體釘以銀扣俟嫁時夫親釋之生兒女三四歲親朋即抱去撫育教習事業無異親生男至堪臨陣女至可婚配始還其父母謂親自鞠養恐其溺愛也機士臘小部落瀕氏力河市埠萬家而

都魯機之阿敏阿人十居七八，產絲髮及酒。

諾尼阿部，東界納希斯丹，南界都魯機，西界黑海，北界薩加社。巖巒盤互，萬木

參天，山深多礦，本巴社之地，因國王與俄羅斯交兵，

徵國中年不及壯之丁，盡入營伍，憤怨背叛，原欲自

制方面，不意復為俄羅斯所得，領小部落二十，土番

壯勇，而女多美，戶三千餘萬口，習額力教者大半，習

馬哈墨回教者僅小半，其俗權貴之家，御僕殘刻，無

論田之硯沃，倍額收租，不計耕奴凍餒，故赤貧甚眾，

劫掠四出，雖良農負耒而耕，亦必手械自衛，特付里

斯，首部落也，俗舊淳樸，今漸華靡，有習武館，軍裝庫，

互市蕃盛。

阿薩塔干部，東界海，西界薩加社，南界端苛薩斯，北界阿林墨薩。地多曠野，崇

山，領小部落四十有一，首部落瀕裏海，巴社之絲髮

寶石諸貨，皆售諸此，土番亦富足，善貿易，貧者捕魚

為生，東南隅有阿喇湖，可以煮鹽，格廉敏為舊時首

部，今雖頽廢，居民尚七萬餘，內有英吉利佛蘭西巴

社，印度各國之商，而都魯機國之阿敏尼阿人最眾，

阿林墨部，東界阿細亞洲，俄羅斯，西界加區，南界阿薩塔干，北界帕尼。界阿細亞

歐羅巴兩洲之間地多草埔東隅有河發源烏臘嶺山中謂之烏拉領河境內南歷阿薩塔干而注裏海轄小部落三十有三阿林墨本首部落也緣近邊界改移總領官于烏臘故近日以烏臘為首部土番頑梗今漸入化韃韃里之人每年販馬至者萬計羊約六萬

納希斯丹部東界裏海南界巴社西界諾尼阿北界薩加社近海岸土膏沃領小部落十有三

北洋俄羅斯東新藩在阿細亞洲內地與蒙古滿洲相毗連地之

悉畢厘阿國在阿悉亞洲之東北隅俄羅斯藩屬也東界大洋與彌利堅洲對峙中隔一峽謂之墨領峽西界烏拉嶺嶺高僅三百餘丈而長則自北海而至加斯比菴海即裏海也阿細亞與歐羅巴即以此嶺分界中有一路可通車馬實為兩洲之關鍵北抵冰海南以阿爾臺山為界阿爾臺山起處距烏拉嶺不遠自西而東直抵海岸最高之峯二千丈有出火焰者山北為悉比厘阿山

海國圖志 卷五十五
南即蒙古伊犁韃靼里黑龍江等處也其地舊為韃靼
里游牧之所觀此則俄羅斯東北亦舊為游牧國故佛
經謂北方為馬主元太祖封其長子術赤
于阿羅思故云額利西羅汶國亦有人往焉生齒日蕃
亦游牧國也分族類立頭目其薩克阿左右之地界連悉比厘阿者
為韃靼里凝匿士王所得凝匿士王似是元代藩封陰遣人偵探悉
比厘阿形勢欲越阿爾臺山而取山北地路險崎嶇不
果迨俄羅斯自立國不屬韃靼里統轄有俄羅斯之商
至悉比厘阿海岸貿易以洋貨易皮貨日漸蕃盛交結
頭目盛誇俄羅斯之富庶各頭目惑之間有率屬至俄

羅斯者觀其國都市塵宮殿之壯麗傾心歸向歲貢方
物為藩屬俄羅斯遂于近海之烏彌河口建礮臺扼要
害不勞一兵一矢而悉比厘阿悉為俄羅斯所有然地
曠人稀乃取國中罪人謫戍于此以罪名之輕重分派
力役及至伊挽洼爾西二代王時恐生內患將附近國
都之韃靼里人驅之加斯比庵海即裏海旋得端戈薩司
之戰士用為前驅恢復侵地遂統大兵欲盡驅韃靼里
之人韃靼里有豪健頭目耶爾麻不服領部眾六千餘
東據悉比厘阿欲自立國而力不敵仍臣服于俄羅斯

耶爾麻旋為其部下所殺，于是俄羅斯王復移駐防阿
彝之兵，闢地至華尼西阿，其居民曰儻俄斯族，土沃澆
良，大兵甫至，爭貢皮毳，復沿菴雅臘河而上，幾至雅克
薩。即黑龍江雅克薩城。其居民曰模騰斯蒙古，猛悍異常，即索倫。俄
羅斯憚于前進，改沿裏那河左而行，崎嶇冰雪，一片荒
曠，惟產貂狐最貴，既而端戈薩司之兵，不畏冰雪，往來
其地五十餘年，至千六百三十九年。太宗文皇帝崇德四年。有端
戈薩司之彌特厘者，直至東洋荷葛斯海岸，偵探道路，
復增兵前往菴雅臘河，以至麥加湖，遠近之地，無不征

服。此即康熙初年俄羅斯與我朝爭黑龍江索倫地之事。由彼徑抵黑龍江，適遇

滿洲兵至，與之交鋒，俄羅斯敗歸山後。阿模爾河即黑龍江，麥加湖即

呼倫貝爾泊也，山即外興爾大嶺，職方外紀圖謂之東金山。故瀕江荒地，仍屬滿洲

後，即以此為界，俄羅斯自此固守邊疆，撫其所得之地，

較之當日阿列山達王、西沙爾王時，幅員遼闊，不啻倍

蓰，由是欲窮東界所極，是否與阿彌利堅洲相連，抑或

東洋有海間斷，并欲于阿細亞洲之西，直抵印度，已得

捷徑，惟阿悉阿洲東方，與彌利堅洲斷續之處，屢訪之

先，日蘭頓荷蘭商舶，未得端倪，比達額列王，亦曾募荷

海國圖志 卷五十五
蘭人操舟訪察無獲，旋令雅古薩各官雅古薩乃俄羅斯東方部落，非黑龍江之雅克薩也。徧考史記，亦無紀載。惟云里那河，因底雅加河、阿臘斯加河，水皆北流注海，千六百四十八年順治五年，有端戈薩司頭目特斯紐及孤底那二人，相繼舟訪，祇言阿細亞洲與彌利堅洲不相連。千七百年康熙三十九年，取得甘查甲，其地斗出東海大洋，風土迥異，似別有天地。其東之少南，即日本國所屬之薩牙蓮島、熱斯梭島，正東邊界，則與歐羅巴濱海諸國相連，並得彌利堅洲一小隅之地及附近海島，報至國都，而比達額列王已逝。

其女加特臘因嗣，位于千七百二十年康熙五十九年繼述父志，復遣官一士般麻、一芝利果、一墨領，攜熟諳天文地理之特里斯列，乘船東邁，一無所獲。千七百二十八年雍正六年，墨領復至東隅，僅考明阿細亞與彌利堅中隔一峽，雖不相連，而相距不甚遠，遂以己名而名其峽曰墨領峽。從茲不復遣使矣。按悉畢厘阿國分二域，西二部曰都莫斯，曰科利弗，東二部曰雅古薩，曰甘查甲。英夷圖稱此為四省，蓋四大斯科也。與中國相首尾。四部之城池，又以都莫斯、雅古薩為最鉅。其王獨攬國權，雖有世家公卿，莫敢專政。廣興

文學以化邊鄙，聲名文物日進于舊，然因地制宜，故與歐羅巴之俄羅斯法度稍異，且距俄羅斯國都遙遠，凡在悉畢厘阿之加彌業，貴官名每自專擅，不爲百姓所服。幸當日甫得其地，卽將本國之人分徙僑居，尙知王化，主客相維，故至今無敢背叛。水師官弁多侵船料以肥其私，近日力懲前轍，兵共二萬二千，半住都莫司，半住雅古薩，派守各口礮臺者十之六，派防南界者十之四。因當日取悉比厘阿者，皆端戈薩司之兵，故仍以其人充伍。此外尙有甘查甲部，地處極邊，屯兵較內地尤屬

悉比厘阿所居之人有兩種，一流寓，一土著。流寓者或因官寄籍，或本國遷徙良民，及謫配之人，亦有所俘綏領將士，流戍此地，究皆官裔，無僿鄙之習。其罪犯定例重者開礦採金，輕者酒館服役，約束甚嚴。其遷徙良民授畝而耕，歲輸丁銀，拉布爾八，只徵男丁，而不徵女。土著者西南隅，近哈薩克，皆回教。東北隅，近蒙古，則信奉刺麻教。文學技藝，當推都莫司。雅古薩兩部，在都莫司者多流寓之人，在雅古薩者多武官客商。千七百九十年，乾隆五十七年創書館，貯史書，設梨園，大略與歐羅巴相等。

敬賓客，耽麩蕪，居則板屋，食亦儉薄，無非葱蒜魚肉牛馬乳，面多紫黃，似蒙古，慷慨勇猛，非耕牧，卽射獵，極北嚴寒，多不出戶，產米穀大麥小麥粗麥石鹽石髓石奶油野鴨鴈鵝牲畜，器用有大呢玻璃金銀銅鐵鉛紅寶石青金石鑽石水晶綠晶，別有一種石，刀切成片，可代玻璃，皮毳則灰鼠貂鼠白狐黑狐紅狐海狐海虎海獺，壤沃厚，易播種，五金產自烏拉嶺及阿爾臺山，并有沙漠千有餘里，中亦產金，千八百二十八年，道光八年三處產金五十三萬，銅三萬，千五百萬，鐵六萬，六千萬，銀三十

三萬，四千棒，近日銀礦不旺，歲產不過四五六萬棒，採取五金，約萬有三千餘人，皮貨俱運售于都莫司雅古薩，東洋遙遠，北海阻冰，或行數日，無人煙，河道紆曲，荒遠，萑苻出沒，貿易跋涉，艱難無匹，徒以產豐利厚，故商旅不絕，冒險爭鶩，甘查甲物產尤甚，運至雅古薩，征稅甚輕，以貨易貨，大都烟酒刀劍玩物居多，中國恰克圖城爲俄羅斯與中國互市之所，以皮貨呢絨玻璃，易中國茶葉大黃磁器絲髮棉花煙葉磁器，每年交易約值二三十萬棒，大湖二，一巴西達湖，由波洼出海，一麥嘉

湖在阿爾泰山之北雅古薩之東南眾水所匯最為灑
森河十有四烏彌河自科利弗大山發源紆繞北流中
途會走領河野代士加河並匯伊新河都莫爾河諸水
由麻洼尼士加而注之海因尼西河自韃韃里發源北
流至朱爾戈河會依那維河至都彖山薩又會黨俄士
加河阿牙那河裏那河由豆定薩而注之海因底牙加
河阿那斯加河珂里馬河阿那底河均發源阿爾臺山
僅阿那底河一水趨東海餘俱北流而出冰海
都莫司部東界雅古薩南界韃韃里西
界歐羅巴俄羅斯北界海領大小邑三十

九產金銀銅鐵錫五穀皮貨馬酒材木脂膏

雅古薩部即悉比釐阿首部東界甘查甲西界都莫
斯南界中國北界海領

大小城五十有三產銀鉛皮貨

科利弗部東界雅古薩西界韃韃里
南界中國北界都莫斯領大小城十產金

銀銅鐵鉛

甘查甲部東界海西界雅古
薩南北俱界海領大小城十七產皮貨海

馬珍寶

重輯原無
今補

地里備考曰亞悉亞州之地隸尼羅斯國者曰西卑里

日日爾日日是爾彎，曰亞爾美尼，曰義米勒多，曰明哥勒里，曰達日斯丹，曰西爾加西，曰亞巴西，曰高加索，各等處序列于左。案西卑里一作西比利，一作悉畢里，一作細密里，皆譯音之殊。西卑里在亞細亞州之北，緯度自北四十八度起至七十度四十分止，經度自東五十度起至一百八十九度止。東枕白令科各度斯各二海，西連烏拉爾山，南接達爾給斯丹蒙古滿洲三國，北界北海，長一萬三千里，寬五千餘里，地面積方約五百六十六萬九千四百五十里，烟戶一兆餘口，地勢平坦，海濱潟鹵，南方峯巒參天。

湖河甚多，河之長者曰科比，曰日尼塞，曰亞那巴拉，曰勒那，曰英的日爾加，曰哥義馬，曰亞那的，曰亞木爾，曰義爾的士湖之大者曰拜加爾，曰亞的音奴，曰德合尼，曰比牙星各，曰蘇迷，曰沙加德森，至于田土，北方土曠人稀，西南膏腴豐茂，土產金銀銅鐵錫鉛礬硝硫磺磁砂，信石紋石磁器各種獸皮，地氣嚴寒，多冬少夏，所奉之教，或回，或釋，或大秦，或天主，趣向不一，技藝平常，貿易豐盛，其地有鎮部郡三者之分，其鎮則四，一名德波爾斯各，一名多木斯各，一名耶尼塞斯各，一名義爾古

海國圖志卷五十五
德斯各其部則二一名科慕斯各一名亞古德斯各其郡則二一名科哥德斯各一名岡扎德加
日爾日亞在亞細亞州之西緯度自北四十九分起至四十二度四十八分止經度自東四十一度起至四十五度止東至是爾灣地暨加斯比約海西枕黑海暨亞爾美尼亞地南接土爾基亞白爾西亞二國北界高加索山長約一千里寬約六百餘里烟戶三億口境內崇山峻嶺田土膾腴草木禽獸無不繁衍地氣參差寒暑俱極技藝庸陋貿易冷淡首郡名的非利斯

是爾灣在亞細亞州之西緯度自北三十八度四十分起至四十一度三十八分止經度自東四十二度四十分起至四十七度三十九分止東枕加斯比約海西連日爾日亞地南接日爾西亞國北界達日斯丹地東西相距八百里南北相去五百里地面積方約一萬二千二百里烟戶一億五萬口境內峯多積雪田土膏腴生物茂盛四季溫和技藝庸常貿易蕭疎首郡名巴古亞爾美尼亞在亞細亞州之西半屬土耳其亞國兼攝半屬厄羅斯國兼攝其屬厄羅斯者又名黑里灣昔爲

白爾西管轄道光八年始爲本國兼攝東北界日爾日
亞地西連土耳其亞國南接白爾西亞國長寬皆約七
百三十里地面積方約九千九百里烟戶一億六萬口
境內岡陵平原互相間隔土饒穀菓地氣溫和西北地
名黑里彎東南地名那各斯齊彎
義米勒多在亞細亞州之西黑海之邊岡陵重疊平原
沃壤甚少土產材木魚類充斥土人弗取地氣溫和人
安物阜首郡名古泰西
明哥勒里亞在亞細亞州之西東至義米勒多地西枕

黑海南接日爾日亞地北界西爾加西亞地長約五百
里寬百五十里烟戶約十萬口境內岡陵絡繹多樹林
少隴畝菓實茂盛禽獸充斥土產絲酒首郡名宋鼻的
達日斯丹在亞細亞州之西緯度自北四十度三十三
分起至四十三度四十八分止經度自東四十三度三
十分起至四十六度四十分止東枕加斯比約海西連
西爾加西亞日爾日亞二地南接是爾彎地北界高加
索部長約九百三十里寬約二百二十里地面積方約
一萬二千里烟戶二億六萬口境內崇山峻嶺湖河甚

多田土廩厚葡萄成叢不植自生禽獸蕃衍鱗介充斥
產錫鐵硫磺地氣不一冷熱互異技藝蕭疎貿易清淡
首郡名古巴

西爾加西亞在亞細亞州之西緯度自北四十一度五
十二分起至四十五度十一分止經度自東三十四度
二十分起至四十四度四十五分止東枕加斯比約海
暨達日斯丹地西界黑海南接日爾日亞地北連高加
索山長約二千里寬約五百里地面積方約二萬七千
七百三十里烟戶二億六萬餘口境內峯巒參天夏雪


凝積湖河甚多灌溉田畝產穀果絲繇地氣互異平原
溫和丘陵寒凜其地一名大加巴爾達一日小加巴爾
達

亞巴西在亞細亞州之西緯度自北四十二度三十分
起至四十四度四十五分止經度自東三十四度四十
八分起至三十八度二十一分止東至明哥勒里地西
連西爾加西地南枕黑海北界高加索山長約八百餘
里寬約五百里烟戶一億九萬餘口境內岡陵與平原
相間田土廩腴生殖蕃衍土產蠟蜜熟皮等物其地一

日大亞巴西諸酋統攝各分部落一曰小亞巴西隸厄
羅斯國兼攝
高加索部在亞細亞州之西緯度自北四十度起至四
十五度止經度自東三十五度起至四十七度止東枕
加斯比約海西連西爾加西地南接高加索山北界黑
海長約二千餘里寬約七百二十里地面積方約四萬
五千里烟戶一億三萬口境內山陵綿亘隴畝膾腴間
多鴻鹵土產蠟蜜牛狐貂鼠海虎各皮地氣溫和人安
物阜首郡名斯達窩羅波爾

地球圖說西比利亞國東界大東洋南界滿州并蒙古
西界歐羅巴大州北界北海其百姓約七百萬之數所
述之教回回教希臘教釋教所習之藝漁獵商賈凡峩
羅斯之居民犯罪咸遷徙于此與中國貿易之處名甲
他城地勢東南西三方俱高北方平坦惜近北極之處
終年冰雪五穀不登草木野獸繁殖人跡希少土人每
用木屐車一乘負以五大犬搭轡馳驅南方頗溫略
堪栽種內有鹽湖數處名不詳述又有伊士江胡壁江
里納江此三江之大甲于亞細亞洲產金銀銅鐵金剛

石獸皮



海國圖志卷五十六

邵陽魏源輯

北洋俄羅斯國沿革

原無今補

皇清四裔考俄羅斯國東北至海南接喀爾喀準噶爾
哈薩克土爾扈特西接西洋諸國秦漢為渾庾屈射丁
靈諸國匈奴并有其地唐為骨利幹國居瀚海北其地
北距海元時為阿羅思吉利吉思昂可新地元史稱吉
利吉思南去大都萬餘里其境長一千四百里廣半之
有謙河西北流注于昂可刺河北入于海今俄羅斯有

昂噶喇河，卽元史昂可刺河也。昂可新者，元史謂卽唐之骨利幹也。今名俄羅斯，卽元阿羅思轉音也。案元時阿羅思爲一國，欽察爲一國，太祖滅之以封其長子者也。吉利吉思思爲一地，昂可刺爲一地，謙州爲一地，益蘭州爲一地。此則隸于嶺北行營元帥府，皆在和林以北。以阿爾泰嶺與安大嶺爲界。在今日爲俄羅斯東藩。而在元時則乃蠻故地，非俄羅斯所屬也。近始爲俄羅斯所并。相傳其國舊無汗號，西北近海計由之地，其酋名依番瓦什里魚赤者，因族姓擾亂，求助于西費耶斯科國，假其兵力，服屬諸族，自立爲汗。歷三百餘年，今其酋皆稱察罕汗云。其地寒多陰少晴，蕃林木，稀人煙，分八道，曰西畢爾斯科，曰喀山斯科，曰

佛羅尼使斯科，曰計由斯科，曰司馬連斯科，曰三皮提里普爾斯科，曰郭羅多阿爾哈連斯科，曰莫斯窪斯科。一斯科所屬城堡，名柏興，多者至百餘，少或一二十餘。蒙古語謂民居曰板升，與柏興音近。俄羅斯鄰蒙古，疑卽其轉音也。官制，汗左右近侍官四，得專政。每斯科設總管官一，彼中名噶噶林，每柏興設頭目，田則什一而稅。凡業打牲者，納貂鼠、狐狸、銀鼠、灰鼠，其不打牲者，歲納銀錢二百。法律，凡叛逆犯上者支解，遇敵敗北者斬，劫奪人及殺人者俱斬，傷人者斷手，偷盜倉庫官物者

視贓之多寡，有剽刦者，有以火灼之而發遣者，私鑄錢者，鎔銅灌口內以殺之，私賣烟酒者，重責籍其家，遣其人因姦殺死本夫者，本婦則埋于地，露其首以殺之，姦夫則懸于樹以殺之，犯姦者，本婦重責不離異，姦夫重責，又罰銀入官，其幼童與女子姦者，重責之，配爲夫婦，俗尚天主教，不知朔望，或二十九日，或三十日，或三十一日爲一月，十二月爲一歲，每歲按四季，大齋四次，或四十日，或三十餘日，以冬季大齋完日爲歲初，平時皆逢七齋戒，知節儉，厭兵戎，性矜誇，貪得，喜詼諧，好詞訟。

每逢吉日，男子相聚會飲，醉則詠謔跳舞，婦女不避容，爭相炫飾，遊戲爲隊，行歌于途，卑賤見尊者，免冠立地而叩，尊長不免冠，平等相遇，皆免冠立地而叩，男子與婦人遇，男子免冠，婦人立地而叩，以去髭髯爲姣好，髮卷者爲美觀，婚嫁亦用媒妁，聘娶之日，往叩天主堂，誦經畢，方合卺，殯殮有棺，俱送至堂內葬埋，不飲茶，服檀褐苳布，以麥麩爲餅餌，不爲飯，每食用匙及小叉，無箸，俗尚貿易，務農者少，知種而不知耘，不以牛耕，居河濱者善洒，用瓜種，大小銀錢，有值三文，十文，五十文，百文。

者亦有紅銅錢與小銀錢通用以十六寸爲尺十二兩爲觔千步爲里後改五百步爲里其木則有杉松馬尾松楊樺叢柳櫻莫榆刺玫其穀則有大麥小麥蕎麥油麥及稷其蔬則有蘿蔔蔓菁白菜王瓜芫荽倭瓜葱蒜獸畜則有駝馬牛熊狼堪達韓野豬鹿狍黃羊狐狸兔貂鼠銀鼠灰鼠碓鼠行地中遇陽氣卽死身大有重萬觔者骨色白潤類象牙性最寒食之可除煩熱骨可成器彼中名麻門橐窪禽則有鷹鵬鷓鴣海青鴉鴨鷄又有聶木沁鷄大如鵝腳高尾短有蒼黑色而花紋者有

白色青班者其冠色不時變幻人稍侵之卽鳴翅立冠下垂比戶畜之俄羅斯稱西費耶斯科國爲聶木沁云魚則有鮠鰭鱸鯉石斑鯽魴鯉鰻鴨嘴哈打拉他庫木舒爾呼松阿禪勾深牙魯四帖里烈帖鄂莫裏樂則有鐘鼓喇叭木笛嗩吶銅絃箏胡琴其土宜風俗物產大略如此明時阻于朔漠未通中國順治十二年其國察罕汗始通使

一統志曰俄羅斯在喀爾喀楚庫河以北東南至格爾必齊河北岸自外興安嶺之陰以東至海與黑龍江所

轄北境接界西接西洋西南至土爾扈特舊國及準噶
 爾界北至海去中國京師二萬餘里其貢道由恰克都
 經喀爾喀地進張家口以達于京師地在極北古難
 詳考秦漢之間服屬匈奴史記匈奴傳冒頓單于北服
匈奴有渾窳國有屈射國有丁令國有融昆國有薪梨之
國蓋北海之南自有丁令非烏孫之西漢有堅昆丁令
丁令也烏孫長老言北丁令有馬脰國漢有堅昆丁令
漢書匈奴傳支單于北擊烏揭降發其兵西破堅昆
北降丁令按堅昆在烏孫北烏揭之西丁令又在其
北史記所謂丁令唐時有點戛斯骨利幹等國唐書點
也即今俄羅斯也唐時有點戛斯骨利幹等國唐書點
戛斯古
堅昆國也地當伊吾之西焉耆之北日山之旁或曰居
勿日結骨其種雜丁令乃匈奴西鄙也匈奴封漢降將

李陵為右賢王衛律為丁令王後支單于破堅昆于
 時東距單于庭七千里南車師五千里到支雷都之後
 世得其地者訛為結骨稍號紇骨亦曰紇圻斯云直回
 紇西北三千里南依貪漫山地夏沮洳冬積雪人皆長
 大赤髮皙面綠瞳以黑髮為不祥黑瞳者必曰陵苗裔
 也男少女多俗趨仇氣多寒雖大禾亦半禾稼有禾粟
 大小麥青稷稔馬至壯大其君曰阿熱遂姓阿熱氏駐
 牙青山至回鶻牙所橐駝四十日行回骨牙北六百里
 得仙俄河東北曰雪山地多水泉青山之東有水曰
 劍池偶艇以度水悉東北流經其國合而北入于海堅
 昆本強國也地與突厥等東至骨利幹南吐蕃西南葛
 邏祿貞觀二十二年入朝帝以其地隸堅昆麻隸燕然
 都護乾元中為回訖所破後語訛為點戛斯蓋回紇謂
 之若曰黃赤面云又云骨利幹處瀚海北多百合產良
 馬其地北距海去京師最遠又北度海則晝長夜短日
 入烹羊脾熟東方已明蓋近日入處也太宗時入朝以
 其地為元闕州其大會獻馬帝取其異者號十驥龍朝
 中以元闕州更為余吾州隸瀚海都督府按唐時堅

昆在西骨利幹在東皆今俄羅斯南境元時有俄羅斯
今其人多赤髮皙面綠瞳蓋堅昆裔也
及吉里吉思及撼合納謙州益蘭州等處元時吉里吉
思南去大都
萬有餘里其境長一千四百里廣半之謙河經其中西
北流又西南有水曰鄂魯東北有水曰王舒皆巨浸也
會于謙而注于昂可刺河以北入于海俗與諸國異土
產名馬白黑海青昂可新者因水為名附庸于吉里吉
思去大都二萬五千餘里即唐史所載骨利幹國也烏
斯亦因水為名在吉里吉思東謙河之北撼合納蓋猶
言布囊也蓋口小腹巨地形類此因以為名在烏蘇東
謙河之源所從出也其境土惟有二山口可出入山木
林樾險阻頗甚謙州亦以河為名去大都九千里在吉
里吉思東南謙河西南唐麓嶺之北朔漠圖自和甯北
行三千里名昂吉爾海子自此又行五百餘里至謙州
吉利吉思地又行千里至大澤云○源案謙州在唐帑
山之北謙河之西吉里吉思則在謙河之北烏斯部在
其東昂可新則在極北謙河入海之處惟撼合納在極

東為謙河之源與今黑龍江交界此皆嶺北之地非元
初阿羅思所有至今日始盡并于俄羅斯號東新藩四
部詳後元代北方疆域考此五部之西則為皆其地也
元諸王海都等金山以北分地元史無考
明時阻于朔漠未通中國 本朝順治初其眾曰羅刹
竊據黑龍江雅克薩之地築城居之侵擾索倫達虎爾
等索倫達虎爾二部居額爾古納河
及淨溪里江之地與羅刹接壤 康熙十五年遣使
入貢諭以嚴禁羅刹毋擾邊陲羅刹潛侵淨里溪等處
遷延不去 命都統公彭奉率兵進討羅刹窘迫乞降
及我兵回潛據雅克薩如故二十四年復 命黑龍江
將軍薩布素等統兵圍之降者日眾二十五年其國察

漢汗遣使上書言下國邊民構釁自當嚴治乞撤雅克薩之圍且請分定邊界許之二十八年遣內大臣索額圖等與其使臣費要多羅等會議于尼布潮之地定格爾必齊河以北大興安山一帶為界其前所侵之尼布楚雅克薩諸處俱入版圖于格爾必齊河旁立碑為志自後貿易之使每歲每間歲一至未嘗稍違節度三十年俄羅斯送回逃人二名理藩院行文獎之是年察漢汗遣使入貢 聖祖閱其奏章諭大學士曰俄羅斯貢獻想從來所無其國距京師甚遠從此陸路可直達彼處自嘉峪關行十一二日至哈密自哈密行十二三日至吐魯番過吐魯番即鄂羅斯之境聞其國遼闊有二萬餘里二十九年俄羅斯遣使者賫奏至 聖祖曰

俄羅斯地方遙遠僻處西北海隅然甚誠敬嚙爾丹窟迫求救于彼曾拒而不答曩者遣人分畫疆界即獻尼布楚地以東為界尼布楚等處原係布拉克武吳郎海諸部落地彼皆林居以捕貂為業人稱之為土中人後俄羅斯強盛并吞之能遂獻還即此允當軫念也其國王所居之城曰莫斯科窪近西北大海去 京師甚遠相傳其國本微弱地亦狹

初居近海後假兵力于西費耶斯科國漸強盛其國至依番瓦

之計由地 什里魚赤始得西費耶斯科之助以稱汗者歷二十三

代五百五十餘年吞併喀山托波兒諸處亦一百六十

餘年今其地廣袤幾二萬餘里分八道一道曰莫斯科窪

都一道自托波兒河東至尼布楚與中國分界處曰西

畢爾斯科其六道曰喀山斯科佛羅尼使斯科計由斯

海國圖志 卷三十一
科司馬連斯科三皮提里普爾斯科郭羅多阿木設官
哈斯科每一斯科如中國省會其餘小斯科無數
管轄每斯科設一人統轄曰噶噶林各處省城堡名曰
柏興猶中國州縣大者兵民數百或千餘小者一
二百設頭目一人有樓房屋舍架大木為
之城垣亦皆列木柵但絕少多虛名耳
南界土爾扈
特哈薩克諸國及內附之喀爾喀西北尚有十餘國大
者曰西費耶斯科圖里耶斯科近為所侵掠皆微弱云
康熙間其國遣人來京師就學設俄羅斯館派滿洲
助教一人漢助教一人教習之雍正五年定俄羅斯來
學喇麻六人學生四人每十年更換一次乾隆三十二
年王師追討準噶爾部叛賊阿睦爾撒納由哈薩克竄

入俄羅斯境未即縛送特命典屬嚴詞索取適逆賊
身斃俄羅斯遂傳送其屍修詞恭順與天朝永睦地
寒土濕多雨雪少晴和山川險阻林樾叢繞居止有廬
舍水陸用舟車風俗以去髭鬚為姣好髮卷者為美觀
卑賤見尊長以免冠立叩為恭敬服氈罽喜飲酒不知
茶屑木為餅不飯食知種而不知耘不知牛耕居河濱
者喜浴善泗有錢文大小銀銅式不一以十六寸為一
尺十二兩為一觔千步為一里無節氣書知有四季而
不知朔望人材勇健性矜誇貪得平居和睦喜恢諧少

爭鬪好詞訟刑罰頗嚴尙浮屠自國王至庶民有四季
大齋戒十日其山川有怕付林斯科山在國境東佛落
諸山之上土人云冬夏積雪人皆不能至○按自喀爾
喀諸部駐牧色楞格河下流地名楚庫柏興入俄羅斯
界自此而北水皆北流沿路皆大山深谷山多林藪夏
多蛇蝎水多魚○本朝康熙五十一年原任內閣侍讀
圖理琛奉使土爾扈特道經其國歸而著其山川風土
今依其所經次第列諸大水于下山雖多而有名絕少
故不盡錄之 佛落克嶺在費爾和土爾斯科地高十餘里嶺
錄之 下流東會於額爾齊斯河山陰有水 色楞格河源出喀
日喀穆河下流西會於滕吉斯湖 內東北流至楚庫柏興入俄羅斯界受東南來之楚庫
河又東北流二百餘里入白哈兒湖廣四五十丈水清
流息十月中始凍兩岸皆山沿岸多叢柳榆樺櫻菓中

多昂噶刺河自白哈兒湖西北流出又西北流一百五
魚里又西北流二千九百餘里東北來之伊里穆河又數
水又西北流二千九百餘里東北來之伊里穆河又數
百里會伊聶謝河流入北海此河長三千餘里受十餘
小水又入于色楞格兩岸及河中皆高峯峭壁水深溜
急舟行甚險五六月尚有冰舊志昂可拉河兩岸皆山
自伊里穆河入之處以至伊聶謝河中問河流俄羅
斯人又呼爲通古斯科河又有十餘小河皆注入之昂
噶拉河內有伯克五處破落克八處西費拉九處其國
謂水中高峯及臨水懸岸曰伯克有滅提別而伯克巴
達爾滿斯克伯克多達兒斯克伯克滅費斯克伯克巴
達穆克伯克謂夾岸峭壁中有大石河水陡下懸流日
破落克有博合滅兒爾納破落克牙皮乃破落克巴墩
破落克多爾規破落克沙滿斯克破落克阿普林司克
破落克木爾蘇克破落克四鐵烈洛什破落克謂水淺
多在急流之處曰西費喇有洛什西費喇鄂標穆索斯
奈西費喇柏格西費喇郭洛活瓦西費喇郭費般斯克
西費喇噶什那西費喇鄂費夏那西費喇鄂爾吉那西

費喇郭薩牙西費喇源按元史吉里吉思有謙河西北
流注于昂可喇河一統志以昂可河當謙河與水道提
網說不合詳伊聶謝河水自厄爾庫城之西北由昂噶
元代北藩考伊聶謝河其水大于昂噶喇不知發源之處北
柏興得伊聶謝河會東來之昂噶喇河轉東北流入于
北海自此而北地揭的河伊聶謝柏興之西北二百五
益寒蓋近北海矣揭的河十餘里地名麻科斯有嶺
名佛落克水從嶺下流出西北流二千五百餘里至那
灣曲水色赤沿河有小柏興四五處鄂布河自麻科斯
順流約二千里河面漸寬水色漸白鄂布河科西北由
揭的河水行二千五百餘里至那穆柏興得鄂布河
其水西北流至托穆斯科受東南來之托穆斯科河至那
穆柏興又受東南來之托穆斯科河又西北流二千餘里至
薩馬爾斯科之地轉西南流與厄爾齊斯河合復西北
流入北海此河又大于伊聶謝水濁溜緩厄爾齊斯河
洲渚甚多自此而北地漸平坦不甚大矣厄爾齊斯河

自那里穆相與西北山鄂布河水行二千餘里至薩馬
爾斯科得厄爾齊斯河其水自阿爾泰山發源北流入
俄羅斯境又西北流至托波兒之地受托波兒土拉二河
轉東北流與鄂布河合流入北海此河大如色楞格水
濁溜急其發源之阿爾泰山屬中國西北塞外邊界即
古金山也計其源流與色楞格相等不知幾千里舊志
厄爾齊斯河在蘇爾呼托波兒河源出費雅爾士爾斯
武和興西南六百餘里托波兒河科地之佛落克嶺西
東南流與土拉河會又東北流入于厄爾齊斯河其入
厄爾齊斯河處之東地名托波兒在薩爾斯河西南一
千餘里彼所稱入道中之一道也居民二千餘戶駐兵
設噶林一人統之十數人有廬舍市井謂之西畢爾斯
斯科西南六百餘里為托波兒地厄爾齊斯河來自東
南繞過托波兒向東北由托波兒土拉河源出佛落克嶺
兒河來自西南至北地而合土拉河源出佛落克嶺
波兒河會于厄爾齊斯河其發源處地名貴耶爾和土
爾斯科在托波兒西北二千餘里自此西北與國城相

近彼謂喀穆河在佛落克嶺之北從一山中流出西南
之內地喀穆河流千餘里至黑林諾付之地有佛落克
嶺北流出之費牙忒喀河西北流入此河又流至喀山城
東南入佛兒格河此河上流至地名黑諾付俱屬西畢
爾斯科道至喀山乃別為一道自此而北至國王所居
莫斯科窪城僅二十餘里地勢趨下人煙稠密舊志喀
穆河大似色楞格河水色赤湍急自東北佛爾格河發
流西南流至喀山相對之地入佛爾格河佛爾格河源
西北山中東南流至喀山城東南受喀穆河流三百餘
里至西穆必爾斯科之地轉西南流又五百餘里入土
爾扈特國界南流于騰吉思湖此河大如鄂布河水
濁溜緩在俄羅斯名佛兒格在土爾扈特國名厄濟爾
他水皆北流入海惟此自北而南不入海其所經之喀
山亦入道中之一道也在黑林諾付西南五百餘里地
平坦多田畝產稻稷麥環大水為城有八門周八里居
民五千餘戶設總管統轄其南三百餘里地名西穆必
爾斯科又西南五百餘里曰薩拉托付白哈爾湖在楚庫
自此而南即土爾扈舊所游牧之地矣

五百餘里亦曰北海去喀爾喀之北界千餘里有巨澤
南北長二百里許東西廣千餘里四面皆山色楞格河
自西南流入昂噶喇河自西北流出其從東流入者又
有一河亦名昂噶喇河中有洲曰鄂遼漢在湖內之東
北偏南北五十餘里東西二百里上有山岡多野獸水
多魚蒙古五十餘戶游牧于此十二月下旬冰始堅可
行三月盡冰始解按唐書地里志骨利幹都播二部
蒸北有小海冰堅時馬行八日可渡海北多大山其民
狀貌甚偉風俗類骨利幹書長而夕短所謂小海即此
水也又按史記匈奴傳匈奴留郭吉遷之北海上漢書
蘇武傳匈奴徙武北海無人處使牧羝武既至海上
廩食不至掘野鼠取草實而食之仗漢節牧羊單于弟
于鞮王弋射海上王死後人眾徙去丁令盜武牛羊武
後窮厄匈奴使李陵至海上為武置酒設樂武終不降
子射上林中得雁足有絲帛書言武等在某澤中前言
北海海上後言某澤以塞外遇水澤通稱海也白哈爾
湖地在匈奴北與丁令正相近史記匈奴傳肩頓北服

海國圖志卷五十一北洋 俄羅斯沿革 七

丁令漢書李陵傳匈奴立衛律為丁令王注云丁令匈奴之別種又蘇武傳注丁零即上所謂丁令耳然則俄羅南境即丁零故地而白哈爾其物產有麥有大麥小湖即蘇武牧羝之北海上鯨魚筋唐書骨利幹產良馬首似橐駝麥松杉樺各處有三種馬筋唐書骨利幹產良馬首似橐駝羅所產馬皆高牛羊豕鹿北唐書有鞠國居拔野古東大逾常即其類也惟食苔俗以駕車又以鹿皮為衣羊馬人豢鹿若牛馬惟食苔俗以駕車又以鹿皮為衣元史撼合納在烏斯東謙河之源所從出也貧民無恒產者皆以樺皮作廬帳以白鹿負其行裝取鹿乳採松實及廬山丹芍藥等恨為食今俄羅斯之東境伊聶謝柏興之地有一種貧民名曰喀穆尼漢亦曰通古斯俱畜鹿以供乘馭負載鹿色灰白形如驢有角名曰俄倫即其白狐兒聶謝之北地名土麻門橐駝于極東北近海處牙特庫之地身大如象重萬觔行地中見風即死每于河濱土內得之骨理柔潤潔白如象牙彼人以其

骨製為碗碟梳篦之類肉性極寒食之可除煩熱云此地最寒距北海大洋止一月程晝夜長短亦不甚暗雖日落夜深猶可博奕不數刻東方已曙按唐書貂各載骨利幹之北晝長夜短近日入處即此地也貂各有之又有黑貂皮甚貴亦銀鼠青鼠四帖黑烈帖魚類產極東北牙特庫之地銀鼠青鼠四帖黑烈帖魚類鰭無鱗脊上並兩肋有三骨連生大不過三尺味頗佳冰未凍時從北海由鄂布河溯流而來甚多人取食之又有名鄂莫裏者長止尺餘白露後五日內由白哈兒湖逆流而來取之不盡其諸河內皆產鱸鱒鯉鱣鱉鮑鮑等及哈呼拉魚他庫魚石班魚魚穆舒呼魚松阿打魚勾深魚牙魯魚

職方外紀亞細亞西北之盡境有大國曰莫哥斯未亞

即鄂羅斯也俞正燮議此書不知有俄羅斯豈知外域音殊字別況此時鄂羅斯尚未兼并西費雅之地乎即本朝之書稱鄂羅斯有曰羅刺者有東西徑萬五千里曰羅車國者豈亦不知有俄羅斯耶

海國圖志卷三十六
南北徑八千里中分十六道有窩爾加河最大支河八十皆以爲尾閘而以七十餘口入北高海瀦焉不通大海國內兵力甚強日事併吞其地夜長晝短冬至日止二時氣極寒雪下則堅凝行旅駕車度雪中其馬疾如飛電其室宇多用火溫雪中行旅爲嚴寒所侵血脈皆凍堅如冰石如驀入溫室之中耳鼻輒墮于地每自外來者先以水浸其軀俟僵體漸甦方可入溫室中故八月以至四月皆皮裘多獸皮如狐貉貂鼠之屬一裘或至千金者熊皮以爲臥褥永絕蟣虱產皮處卽用以充

賦稅以遺鄰國多至數十車國人多盜人競畜猛犬見人則噬書置窀穸夜聞鐘聲始放人亟匿影閉戶矣惟國王許習文藝其餘雖貴戚大臣亦禁學恐其聰明過主爲主辱也故其國有天主能知國王能知之諺今亦稍信真教其王常手持十字國中亦傳流天主之經或聖賢傳記無禁矣俗最澆凡欲貿易須假託外邦商賈方取信國人若言本土則逆其詐矣有大鐘以搖不以撞搖非三十人不能惟國主卽位及其誕日鳴之所造大礮其長三丈七尺一發用藥二石可容二人入內掃

除又有一蜜林其樹悉為蜂房國人各界其樹為恒產
案窩爾加河見南懷仁坤輿圖北高海即裏海亦名騰
吉斯海即異域錄之佛爾格河源出土拉嶺逕俄羅斯
之南入騰吉斯海土爾扈特游牧河旁謂之厄濟爾河
者也納林河亦會之同入裏海至其夜長晝短則別謂
俄羅斯北方冰海
之地非裏海地也

西域聞見錄鄂羅斯北邊之大國東界海南界中國西
北鄰控噶爾東西距二萬餘里南北窄狹自千里至三
千餘里不等稱其王曰汗自鄂羅斯之察罕汗歿無子
國人立其女為汗嗣後皆傳女近今已七世矣仍襲其
祖名號故國人猶稱為察罕汗也其女主有所幸或期

年或數月則殺之生女畱承統續謂其汗之嫡嗣也生

男則以為他人之種也秦鄂羅斯汗卒子幼則其妃代

非其汗之女也但必女主歿其子始嗣位與中國之例
后攝政歸政者不同松筠綏服紀略言之甚明故鄂羅
斯近日已易男汗並無生子輒殺之說其七世中亦其
皆母死子立夫死妃代迭主國事非七世皆女主也其

人深目高鼻睛碧鬚髮黃赤男女皆蓄髮男髮頻以膠
水刷之使其卷曲女髮梳為高髻男衣縛身徧體扣繞
女衣裙衫袍褂悉如漢裝但不纏足耳無褻衣故裙長
而兩襲以銀為錢鑄文肖其汗之面重七錢餘謂之呵
拉斯朗以洋算成歲分至啓閉建閏日月蝕纖杪無差

喜樓居有四五層者其梁柱頂壁皆用木密灌油灰不須瓦葺而金粉雕鑿極盡人工開窗四達或飾以各色玻璃鏤金銀絲以隔蔽之次用其國之田皮紙率皆修整可觀木多易遭回祿故火禁最嚴一有不虞則萬家灰燼室中皆床几椅櫬酷似南方男女皆不能盤膝坐一日兩浴見親友賓客無拜跪揖讓之儀惟接吻以爲禮嗜茶然必調糖而飲啜之食以麥麩爲常饌魚爲上品猪次之以大苜爲佳味人嗜之菽米則充牲畜棧豆而已都城雄壯圍數十里官制文武皆懸刀爲佩刀柄

有玉金銀銅錫鐵之區別官階等級視其刀柄而知其民皆耕田納稅三丁抽一五丁抽二以爲兵兵各有營自十六歲入營給伊馬匹器械卽不准歸家不娶妻日居營中習學訓練遇有戰陳之事則隨其將領而去月支阿拉斯朗錢一圓糧一石年至五十而後出伍刑罰極嚴男犯盜女犯姦殺人不問謀故鬪誤以及出邊私入別國概以斧剝殺之其國名山大川甚多地之肥沃濂鹵亦錯雜不齊土產冰糖白糖紙茶噶拉明鏡玻璃元狐黑貂捨狢猯銀鼠海龍水獺但金銀缺少其餘果

疏之類咸備鄂羅斯本控噶爾屬國稱臣納貢由來已久案自明至本朝西洋人著述皆以鄂羅斯為第一大國從無此語乾隆二十年後察罕汗恃其強大不復稱臣缺其貢獻復興兵擾其邊境以故兩國連兵數年不解鄂羅斯累遭大敗喪師二十餘萬因而大困力不能支仍復稱臣常貢之外歲增納童男五百童女五百而後罷兵其俗最重君臣之義如其汗雖無道之極亦無有敢議其是非者自古無叛逆篡奪之事一姓相傳不知其閱幾千年案此誤以天主之數為其國王之年數也俄羅斯稱汗止三百餘年見四裔考及一統志視他國之朝夕易

姓者相懸矣案西北域記鄂羅斯一名羅刹案羅刹即轉或又傳為羅車又傳為羅沙古丁零國也夜短晝長多江湖通舟楫土產五穀六畜百果諸蔬及玻璃色氈金紙湖鐵紅黑牛皮皮毳之屬其人皙面隆準深眶綠睛亦有黑睛者漢李陵之裔也卷髮赤鬚衣止裹身履無前齒嗜酸辛貪杯酌餐薨蠶飯粒枚橫板為屋柵木為城鑄銀為錢編石為簡其教宗耶蘇康熙年間始與中國通遣其俊秀入我國學肄業受四子書而去乾隆二十年後以阿睦爾薩納之故土爾扈特之嫌復絕其貿易不復與通

樁園氏曰鄂羅斯雖為大國而地形長狹無率然環顧之勢且介乎中國控噶爾之間議守之處太多案鄂羅斯北負海故北面無所容守也東接中國蒙古而有大山巨之亦無容守也惟西與歐羅巴各國接壤故戰爭皆在西方此全不知其國形勢故僅足自立乾隆二十年與控噶爾連兵不解控噶爾用苟瑩故智東西疊駕虛實聲擊致鄂羅斯地境瓜分棋判往來救援疲于奔走然後控噶爾大舉入境圍其國都數千年相傳之統幾至夷滅迨稽顙稱臣歲增朝貢幸控噶爾仁慈不輕滅人之國舍之而去則察罕汗不知度量不察形勢之所至也烏有之事孟浪之談

糾不勝糾別
詳聖武記

又曰控噶爾西北方回子最大之國案誤以汗名為國名又誤以天主教

為回地包鄂羅斯東西界之外案止接西界不接東界以鄂羅斯北面瀕海也

稱其王曰汗其大頭目亦謂之阿奇木伯克所轄各城

自萬戶至十餘萬戶不等均為其汗之阿拉巴圖合各

城計之小屬于大每一大城屬小城或三或四以至十

餘大城阿奇木伯克共計一千四百餘員建都之城名

務魯木極廣大南北經過馬行九十餘日東西亦然荒

之極都城若此則都城以外又廣幾何盡歐羅巴亞細亞二州不足容其疆域矣委巷之談奈何出縉紳之口

城門二千四百，城內大江三，山河藪澤，不可勝計，宮室闊遠深邃，繇巨數十百里，黃屋朱門，皆以金玉珠貝爲飾，地產金銀，多于石子，珊瑚珠玉，數見不鮮，自鳴鐘表，綢緞氈罽，尤多奇異，俗重大紅寶石，如拳如卵者，人人懸佩，黃金爲錢，每文重二兩許，居人田園廬舍，墳墓牧場，各分地界，散布而居，各種公田，猶是古井田法，所轄之地，有不富饒者，其汗聞知，輒親往巡視，暗攜金銀無算，潛拋擲于人煙聚集之區，如金徧地，間有拾取者，尚謂無害，如拾取人多，甚至爭拾，其汗則惻然而憫，惕然

而懼，因廣爲施濟，必至比戶豐裕而後已，故入其地者，曾未有一貧窶藍縷之人，干求借貸之事，風俗敦厚，知禮讓，彝倫攸敘，與中國不殊，迥非西域各國禽行獸處之比，唯敬天地日月，不知有神鬼仙佛聖人之道，每日男女禮拜，唸經之聲雷動，猶天主教之風，前云回教此又云天主教之極，最戒軍事，其說以天地生人，無非同類，奈何以人殺人，自殘同類之理，故國雖富強，從無侵凌附近弱國之事，而兵則精銳，鳥鎗可及二百餘步，以死敵爲勇，敗而歸者，終身不齒于人數，其兵無入伍食糧之事，入爲

洪圖志卷五十二
農出爲兵，訓練皆于農隙，亦同三代以上法也。如有軍事，其汗量敵之大小，命其阿奇木伯克，或一人，或二三人，各選其部下壯丁前往應敵。鄂羅斯本其屬國。備考西洋人著述及粵東商舶，歷有年所，乾隆二十年後，鄂羅斯有一人作此語否。鄂羅斯反以兵相加，控噶爾撥兵大戰，鄂羅斯全軍覆沒，喪師八萬。察罕汗又起十萬之眾，更借土爾扈特精兵數萬，與控噶爾再戰，又復大敗，以故土爾扈特大懼。于乾隆二十五年，棄鄂羅斯而投誠中國，而控噶爾戎兵數十萬，出境長驅直壓

鄂羅斯國都察罕汗大恐，求和稱臣，定于常幣之外，歲納童男女各五百人，控噶爾許之，乃捨去。或曰控噶爾西界亦多其屬，歲修朝貢之禮。如鄂羅斯云。案此皆誤，特妄誕之談，有同西游演義小說，不值與辯。

俞燮癸巳類彙述曰：俄羅斯始見于元史，謂之阿羅思，又謂之幹羅思，其大也。在明中葉，至國朝而極大，其天氣和藹處，亦有花痘之證，故阿睦爾撒納入其境，以痘死。惟沙漠行國，趁涼者無之，蓋居國皆如此也。俄羅斯有火器，平定羅刹方略，言康熙二十三年正月十一

日我師抵雅克薩以其鳥鎗歸絕域紀略云邏車國所
遇皆擅鳥鎗黑龍江外紀言其納藥箭中凹凸如梅花
式鮎碇亭集畫雅薩樂府注言其國精火器異域錄言
圖理深入其境伊國具鎗礮旗幟以迎土爾扈特又借
之以衛我使者今雅克薩城有康熙時獲俄羅斯礮三
位則言俄羅斯無火器者非也噶爾丹揚言假俄羅斯
火器兵攻喀爾喀豈舉其所無以自敗哉康熙六十年
俄羅斯人來言其地去北極二十度以上爲北海堅冰
凝結人不能至 聖祖以爲始信東方朔記北方虜

冰千尺冬夏不消之言不謬是其國已極北而或以其
西南屬國之控噶爾汗謂在俄羅斯北且謂控噶爾能
征俄羅斯又以女汗有男侍俗聞小說遂謂我使侍衛
碩託與其汗訂十八條議於枕席之上其說皆佻謬且
亦安得有十八條議哉艾儒略等職方外紀坤輿圖說
皆侈陳冰海若所足履目驗者而竟不知有所謂俄羅
斯至錢少詹爲定地球圖說始納入之然則地誠圓亦
非五大洲卽五大洲亦不必如西洋人所說地之圓不
圓與西洋人無涉

源案職方外紀坤輿圖有莫哥
斯未亞大國卽俄羅斯也此誤

澳門新聞錄亥歐羅巴洲各大國兵丁戰船之多寡當以俄羅斯為最多，俄羅斯戶口五千萬，戰船一百三十隻，兵一百餘萬，內有一半在各處防守邊疆，以及在屬國，其次卽算歐色特厘阿，戶口三千三百萬，兵四十萬，另有蘭威阿兵在外，佛蘭西戶口三千三百萬，戰船二百二十隻，兵三十五萬，另有國中各處防守兵在外，英吉利連愛倫戶口二千四百萬，戰船五百三十隻，兵十萬，別有印度各屬國之兵在外，所有戰船共載大礮三萬三千門，普魯社戶口比以上各國更少，兵只二十五

萬，連蘭威阿兵，共有三十五萬，乃耕種之國，並無戰船，每月統紀傳曰：康熙二十七年間，英吉利國之蘇以天王登位，立志分侵敵國，始侵大尼王勝之，方罷戰，又侵伐波林國，逐其舊王，別置新王鎮撫之，又攻日耳馬尼國，列國皆震，莫不勸和，蘇以天王不息干戈，復強侵俄羅斯國，烈風刻骨，英軍不戰敗走，蘇以天王匿身土耳其地，逃歸本國，又霸侵那耳瓦鄰國，被彈擊而死，案此利與俄羅斯交戰之事，志中無之，惟見于每月統紀傳，所謂土耳其國者，一作土爾機，卽北都魯機國，英吉利與俄羅斯陸地，蓋兵船由地中海往侵，故戰敗則由土爾機國遁歸也。

又曰道光十三年，土爾噶國被北方迺志比多諸侯攻伐，奪去亞細亞內各部落。今土爾噶國王遣臣籲救於鄂羅斯汗，其汗坐視顛危，不救不扶。在俄羅斯汗之意，恨不得驅逐土爾噶，出歐羅巴，歸中國新疆本地。但英國與佛蘭西國王不允，強使彼此平安。俄羅斯忽遣兵幾萬人，往守土爾噶國都。又命師船數隻，防範迺志比多，蒙艦英國與佛蘭西國之宰相，見此光景，立諭兩幫戰船巡地中海，免致迺志比多諸侯圍土耳其噶國都，并免俄羅斯軍，駭愕土耳其國王，倘迺志比多諸侯不肯

即議和，則以兵力勒令平安。

源案此謂俄羅斯欲逐土爾噶歸中國新疆本地者，即第三十二卷中北都魯機回國于元代被蒙古軍驅竄西域之事，故譯者以本朝之新疆稱元代之回疆也。或謂土爾噶特分牧俄羅斯之額濟勒河兩岸，其南岸部落于乾隆時歸中國，而北岸部落十餘萬尚留俄羅斯。此或指河北之土爾噶特，然土爾噶特北部在裏海左右，去地中海及英佛諸國甚遠，且土爾噶乃回教而土爾噶特則刺麻佛教，亦判然不倫。此土爾噶仍當是北都魯機國，而兵船巡地中海一語，尤可證英鄂二國行兵道路。

貿易通志曰：俄羅斯國康熙年間始興，前此居民不知文學，近日始奉天主教，出口之貨為材木、五穀、麻、油、牛油、粗帆、麻布、皮貨、銅、鐵、白蠟、魚肚，進口之貨與西洋各

國同其國都曰彼得羅堡貿易極盛道光十年國都進口之貨計價萬萬員出口之貨七千四百萬員船進口者千有二百三十八隻其南北他港進口貨價計三千三百萬員出者亦千六百萬員百餘年前未有今日之十一其國之興隆崛起可謂驟矣其與中國貿易惟准在蒙古地方不准在南海

異域錄曰俄羅斯國之西北諸國名曰圖里耶斯科凡斯科者皆部落之謂案圖里耶一作普里社即與曰宜俄羅斯爭戰之空科爾汗也空科爾一作控噶爾曰宜大里牙即意大里亞曰式費耶忒案在俄羅斯之西北連年爭戰未知于四洲志中何

國曰博爾托噶里牙案一作博爾都噶亞曰雅爾馬尼案即耶馬尼曰付蘭楚斯案即佛蘭西曰宜斯巴尼牙案一作馬尼

尼亞即大呂宋曰狄音未詳曰和爾斯提音未詳曰布魯斯哥即斯哥

科也國未詳曰博爾斯哥未詳曰別穆斯哥未詳曰賽薩林穆斯哥案賽薩林即綏沙蘭也即瑞國

曰博玻林穆斯哥即波蘭曰肆班斯哥案一作是班牙即大呂宋也與前重

出其南面所有諸國部落名曰土爾扈特曰哈薩克

曰布魯特此三國今臣屬曰哈拉哈爾疑塔爾巴哈台曰策旺拉布

坦即準夷曰莽武特疑是敖罕酋名曰布哈爾一作布噶爾曰

海國圖志 卷五十一 北洋 俄羅斯沿革

哈薩兒巴什未詳曰伊爾欽即葉爾羌曰喀什哈爾即喀什噶爾曰

庫策即庫車曰阿克蘇今同曰吐爾們未詳曰沙障即尼納特赫國之汗

名在裏海東

國朝俄羅斯盟聘記 魏源

俄羅斯國至明始大其地袤絡滿洲蒙古新疆之西北境與中國相首尾其國都在大西洋而東接蒙古黑龍江者特其邊鄙云自古不通中國至元太祖始滅之并滅其北之欽察國南之阿速國合為一國以封其長子尤赤其地皆在葱嶺西北未至東方也其阿羅思裔族

逃于北海計由之地臣服于元及元亡後俄羅斯族姓亦內爭其部長乞援于西費雅國假其兵八千以平內亂而割那爾瓦城賂之自立為汗其國益強盡驅元裔蒙古出境恢復舊疆距康熙初察罕汗三百五十餘年矣數傳至明嘉靖時南滅庫庫程汗阿斯坦拉汗遷其人于阿爾泰山北遂與韃靼瓦剌鄰有大斯科四曰計由斯科其北海舊都也曰莫斯科窪斯科其新都也曰喀山斯科則葱嶺迤西南抵裏海界西哈薩克地也曰悉畢爾斯科則葱嶺以東復分四部東抵額爾齊斯河南

海國圖志 卷五十六
界雅爾科布多爲一部，東抵色棱格河，南界阿爾泰山爲一部，又東抵朱爾克河，南界車臣汗蒙古爲一部，又東抵海南界黑龍江索倫爲一部，四部皆名，悉畢爾斯科，乃其新藩屬地也。閱百有三十餘年，而至康熙世之察罕汗，故梟雄，兒童時好戰鬪戲，及卽位，同戲諸人皆爲將，日事攻戰，曾由地中海黑海之間，攻服諸游牧部落，闢地至西印度，又與圖理雅國之控噶爾汗爭阿藻城，大戰破之，控葛汗請和，乃還其城，而盡奪阿藻東北千餘里地，于是又增斯科三，曰司馬廉斯科，曰郭羅多

阿爾哈連斯科，曰佛羅尼斯科，共有大斯科七，又遣使索其先世所割之那爾瓦部于西費雅國，不與連戰數載，竟并其城數千里，以己名名之，曰散丕特里普爾斯科，而自遷都之，于是有大斯科八，其七道置噶噶林鎮守之，而都城置大臣四，總八道之治，斯科者，若中國省治，一大斯科所屬小斯科數十，若府治，柏興數百，若縣治也，每大斯科設總管官一，曰噶噶林，猶中國總督，每小斯科及柏興設頭目，猶守令，其疆域東北際海，東西二萬餘里，南北六千里，其東西之中以烏拉嶺分界，卽

海國圖志 卷五十一
葱嶺北幹亦名大里布山橫抵冰海烏拉嶺以東水皆入北海烏拉以西水皆西南入裏海地中海其山川城郭人物畜牧種植痘疫五方風氣部類別處師兵羅衛與中國大同其地產名馬兵長騎戰長火器甲堅可禦銃彈其國奴僕浮于兵額大部落之奴僕有至十二萬者其奴僕一備戰一司農每農給田五十畝養一兵一馬無餉兵之費其教崇耶穌以紀年其書橫行自左而右東合拉提諾西合托忒烏珠克而轉譯蒙古清漢文拉提諾者西洋字體托忒者厄魯特字體烏珠克者唐

古特字體康熙四十四年俄羅斯貿易使至

上閱

其文字謂兼三體云初俄羅斯東邊接黑龍江者以外興安嶺爲界當明末年我大清方定黑龍江索倫

達瑚拉及使犬使鹿各部東北際海而俄羅斯東部曰羅刹者亦踰外興安嶺侵徧黑龍江北岸之雅克薩尼布楚二地樹木城居之兩師相值各罷兵既又南向侵掠布拉特烏梁海奪四佐嶺崇德四年大兵再定黑龍江毀其木城歸而未及戍守也兵退而羅刹復城之順治十一年遣兵於黑龍江逐之十五年調高麗兵

逐之又數遣大臣督兵以餉不繼半途返順治十二年
十七年俄羅斯兩附貿易商人至京奏書絕不及邊界
事康熙十五年貿易商人尼果賚等至 聖祖召見
之貽察罕汗書令約束羅刹毋寇邊久之未答也而羅
刹復東略人畜於赫哲費雅哈地藪我逋逃阻我索倫
貂貢將割據黑龍江東北數千里甌脫地 上以其
密邇留都不可滋蔓又重開邊釁乃于二十一年遣都
統彭春等以兵獵黑龍江徑薄其鄂偵形勢于黑爾根
及齊哈爾各築城戍之置十驛通水運又令喀爾喀車

臣汗斷其貿易令戍兵刈其田稼以困之二十四年四
月官兵乘冰解水陸並進克其城縱其人歸雅庫舊部
二十五年正月羅刹復以火器來據城我師圍攻之死
守不去時荷蘭貢使在都稱與俄羅斯鄰乃 賜書
付荷蘭轉達其汗時察罕汗已卒新察罕汗嗣立知中
國東方距已遼遠且限以行國非若西北之西費雅西
南之圖里雅近在肘腋所必爭也海道往還迅速九月
復書卽至言中國前屢賜書本國無能通解者今已知
邊人構釁之罪卽遣使臣詣邊定界請先釋雅克薩之

圍明年使由此方陸路至喀爾喀土謝圖汗境文移往復二十八年十二月始與我大臣索額圖等會議于黑龍江一循烏倫穆河上游之石大興安以至于海凡山南流入黑龍江之溪河盡屬中國山北溪河盡屬鄂羅斯一循流入黑龍江之額爾呼納河爲界南岸盡屬中國北岸屬俄羅斯乃歸我雅克薩尼布楚二城定市于喀爾喀東部之庫倫而立石勒會議七條滿漢拉提諾蒙古俄羅斯五體文于黑龍江西岸于是東北數千里化外不毛之地盡隸版圖初準噶爾之擾喀爾喀及中

國也動言借俄羅斯火鎗兵六萬以張聲勢然俄羅斯方西用兵無南侵意噶爾丹敗往投亦不受及康熙三十五年噶爾丹死五十年土爾扈特使由俄羅斯至土爾扈特者本與厄魯特爲四瓦刺之一于明季與厄魯特不睦西越哈薩克投俄羅斯俄羅斯以其行國也指裏海額濟勒河之南圖里雅之東哈薩克之北無城郭地與之使游牧已七八十年至是聞準夷敗滅來貢聖祖欲悉其要領乃使兵部郎中圖理琛等往報之假道俄羅斯經西悉畢爾及喀山兩斯科往返行三載

海國圖志 卷五十一
以五十四年三月歸繪圖呈 御覽又爲異域錄數
萬言記其所經河道大者曰色棱格河曰厄爾齊斯河
皆發源中國流入北海其近北海處夏至無夜色棱格
河在土謝圖汗部受鄂爾昆河土臘河之水經俄羅斯
境爲楚庫河又北爲昂可刺河以入北海使命往來皆
由此出入焉我使臣過境時邊臣以察罕汗命厚致禮
餽以兵護行時察罕汗春秋四十有一在位二十六年
矣其後汗卒子幼其妃代臨朝爲叩肯汗華言女主也
雍正五年其使臣薩瓦復與我喀爾喀親王策凌議喀

爾喀北界自楚庫河以西沿布爾穀時山至博穆沙嶺
爲兩國邊境而定市于恰克圖議定陳兵鳴礮謝天立
誓俄羅斯國在大西洋崇天主教其南境近哈薩克者
崇回教其東境近蒙古者崇佛教故嘗遣人至中國學
刺麻經典以緩東方之眾并遣子弟入國子監習滿漢
語言文字居于舊會同館十年更代爲例乾隆十九年
土爾扈特使復由俄羅斯入貢二十二年我師定西域
叛賊阿睦爾撒納逃入俄羅斯 朝廷命理藩院移
文索之俄羅斯以渡河溺死聞既而患痘真死乃于明

海國圖志 卷五十一
年移尸恰克圖，請大臣往驗之，而厄魯特叛賊舍楞害我副都統，復逃于俄羅斯，我使索之，又不與。上怒，絕恰克圖貿易，而舍楞于三十六年誘土爾扈特全部十餘萬眾趨伊犁來降。時俄羅斯與圖理雅國兵爭，圖理雅以其先世控葛爾汗失地，故世仇不服。俄羅斯屢徵土爾扈特兵攻之，土爾扈特兵不善戰，憚于征役，叛逃投中國。廷議諸臣恐以收納逃亡啓邊釁，高宗命理藩院移文其邊吏，告以伊犁本我地，土爾扈特本中國部落，舍楞乃我叛人，歸斯受之，無爽盟約。俄

羅斯無他言，亦不問土爾扈特所往。四十四年開市，五十四年復以納我叛人閉市，嚴禁茶葉大黃出界。逾三年復通市，時汗位已數傳，夫死妻立，妻死子立。恰克圖辦事大臣松筠于五十六年言：女汗之子已長成，年三十餘，將來嗣母位云。其聘中國，未嘗遣正使，皆貿易人來附請。大皇帝安朝廷，亦因其人答之。嘉慶十年，女汗之子嗣立，特遣正使來至邊界，議禮不合而返。故會典禮部載朝貢之國，九俄羅斯不與焉。惟理藩院設庫倫辦事大臣，掌蒙古與俄羅斯貿易之事，與東西兩

將軍會商，皆行文于其國。薩那特衙門不直達其汗也。俄羅斯既地廣物阜，凡諸國至俄羅斯市者，則衛藏以西沙章汗、愛烏罕各部，其外市則西至安集延、伊犁、哈密、喀爾喀，東至黑龍江，秋高馬肥，被氊捆貨而至。面白微頰，高準，采鬢髯，紅氊帽，油鞞，帳居者布列恰克圖及黑龍江西岸，恰克圖迤東，爲車臣汗部，十四卡倫地稍平行，迤西則高山密林中，通峽溝，卽色楞格河東岸，繇百至庫倫，八百餘里，天然險隘也。方準噶爾強時，曾以兵窺俄羅斯境，由額爾口城深入，六百里不見一人。

俄羅斯設伏誘已，遂遁還。然自準噶爾滅于中國，俄羅斯亦震我兵威，故二百載無邊患。始俄羅斯在明初立國時，俗尙雄悍，未識西洋技藝。至比達王才武奇杰，離其國都，潛遊他國，船廠火器局，講習工藝，返國傳授。其所造戰艦火器，反爲他國最。其境與英吉利、佛蘭西、中隔數國，惟舟行由地中海，可相往來。自俄羅斯日强大，大西洋各國忌之。康熙二十七年，英吉利蘇以天王以兵船由地中海攻之，俄羅斯縱其登岸而截其歸路，會天大雨雪，敵軍多凍死。英吉利王由北都魯機國逃歸。

嘉慶十三年佛蘭西波利稔王選兵十三萬并約諸國兵五十萬攻之俄羅斯舉國遷避空其都城待佛蘭西深入乘風雪夜潛回縱火風烈火猛佛蘭西兵大潰遁自是威震大西洋近日復與英吉利爭中印度別詳後

記別記載五印度志內

臣源曰俄羅斯古不通中國漢書康居西北二千里有奄蔡國控弦十餘萬與康居同俗臨大澤無涯即北海其今俄羅斯西域哉又言丁令在北海上唐書骨利幹國居瀚海北地北距海其今俄羅斯東域哉魏書烏洛侯國從難

水北行二十餘日有于已尼大水即北海皇清通考據此疑烏洛侯即俄羅斯然魏史列高麗國百濟勿吉契丹諸東夷間又稱為拓拔先世舊墟且難水今黑龍江則所稱有于已尼大水者蓋塞外得水謂海之例非俄羅斯北之大海明矣盛京通志云今黑龍東北有大泊即于已尼大水又一統志難河即黑龍江之源故黑龍江亦名難水舊唐書曰烏羅渾國即後魏之烏洛侯也亦謂之烏羅護在長安東北六千三百里東與靺鞨南與契丹北與烏桓相接云是烏洛侯即今索倫錫伯之地非俄羅斯益可證官書四裔考之誤況原書作烏洛侯而徑改侯為侯以叶元史稱阿羅思地南去大都萬餘里元太宗時有其地然欽察阿速諸國及嶺北諸部皆不屬阿羅思則初境狹小尙不及今俄羅斯地十之二至近日乃橫絕東西北海又南侵及印度界其

興勃然方乾隆中土爾扈特之棄俄羅斯而來也以俄
羅斯與圖理雅國之控葛爾汗構兵圖理雅一作普里
社控葛爾一作空
科爾一作
洪豁爾土爾扈特方恨其上國征役之迫播遷之勞
故其懇告中國也皆貶察罕而張控葛謂控葛爾汗國
在俄羅斯之北征討俄羅斯察罕汗幾為其所覆城環
萬里富雄八溟而中國縉紳亦輒信之筆諸載籍荒矣
哉夫圖理琛之奉使也稱所經地距北海僅一月程其
海濱夏至前後不夜而康熙六十年俄羅斯人至稱其
地去北極二十度以上為冰海人不能至 聖祖始

信古記北方層冰冬夏不化之言為不誣蓋夏至不夜
則冬至不晝故市舶但有東西南洋從無至北海之人
是其國已極北迫近冰海安得復有大國在其北乎俄
羅斯與荷蘭英吉利大西洋諸國接壤環峙構兵通市
而利瑪竇南懷仁諸地圖開方計里眉燦星臚何地更
位置此數萬里之控葛爾商船從未通人迹從未至乎
今西洋互市數十國有普里社者偏俄羅斯西界蓋即
異域錄所稱圖里雅控葛爾汗與俄羅斯構兵之國是
汗名非國名粵人稱普魯社為單鷹以市舶桅旗所畫
稱之其國商船歲至粵互市並非荒渺絕

海國圖志 卷五十六
域間見錄妄聽傳聞，乾隆末，庫倫辦事大臣松筠誤綏
則好奇輕信之過，服紀略亦闕控葛爾，大于俄羅斯之夸誕，黥縣俞正燮
亦辯正趙氏翼謂鄂羅斯無火鎗，其汗通我侍衛之誣
妄，然又謂利瑪竇等地圖不知有俄羅斯，今考利瑪竇
圖以鄂羅為縛羅，日縛羅答日縛羅得抹日又有葛勒
斯國皆在地中海之北，歐羅巴東境，正當俄羅斯國都
南懷仁圖說則曰歐羅巴州東北有莫哥斯未亞大國，
東西萬五千里，南北八千里，中分十六道，兵力甚強，日
事吞併，其地極寒，冬至晝僅二時，皆即鄂羅斯之明證。

不可謂佛蘭西非佛郎機，英吉利非英圭黎，榜葛刺非
孟加臘，彌利堅非墨利加也。今狃臚其事，涉中國者於
篇餘詳海國圖志。

附錄澳門月報道光十九年十二月報曰：我等聞俄羅
斯之權柄陰謀有大害于我等東邊之印度巴社等國，
蓋俄羅斯書館在北京，中國事情悉知，中國已知英吉
利印度之稅餉皆由鴉片並茶葉得多，得中國之利益而
俄羅斯亦欲奪我足矣，又何必再用別法來相害耶？
地不能安靜亦已足矣，又何必再用別法來相害耶？
八百三十七年我屬印度各地方出兵攻取印
度西北直到干拿哈，又至加布爾，英國兵馬已近西藏
之西界，相距葉爾羌戈什哈地方不遠，邊疆上駐札有
大兵，在此幾座城與達機士賴並附近各國貿易極大
中國看我等先時在印度不過只有貿易行而已，後來
卻全勝印度地方，又見我等再得新奇坡，又見我等好

似有暗謀澳門小呂宋之意，又見好似有犯中國之意，故此中國將自己之各埠頭塞閉，只準在廣東貿易，不肯待我等與大西洋俄羅斯一樣，今又兼有俄羅斯人挑動，故用此膽大之法，我等今要中國待我與大西洋俄羅斯一體相同。

元代北方疆域考上

即今俄羅斯西北境

元太祖以阿羅思欽察阿速康里四部地，封其長子朮赤，其域西起歐羅巴，北抵冰海，東界金山額爾齊斯河，北有欽察，南包阿速，東盡康里，地兼四國，而以阿羅思為王庭，故蒙古源流言成吉思汗，令其長子珠齊於俄羅斯地方，即汗位。

珠齊即朮赤二字之音轉

不言于欽察阿速等地

即汗位也，然則今日俄羅斯，其即元後乎，非元後乎，曰：阿羅思復興之時，異域錄止言元末族姓內爭，借兵于西洋式費耶忒國，始平內亂，不言元裔何往，惟四洲志始言明宏治中，有諾戈落部人起兵，恢復俄羅斯，盡逐蒙古奪回故疆，則今之俄羅斯，非元後明矣。至元初征四國事，雖始自太祖，而實竟于太宗之世，則朮赤之封亦當在太宗之世，考其事皆散見本紀及速不台土圖哈麥里昔里等傳，別詳于元史。中國所謂寬定吉思海者，據乾隆十三排輿圖塔爾巴哈巴之西，有巴爾噶什

泊又西千餘里有慈謨斯夸泊又西北九千餘里有額
納噶泊泊中皆有島惟額納噶泊最北可當寬定吉思
海見西域水道記即漢書西域傳奄蔡國踰康居大宛境北臨
大澤無涯者然尚非大北海也其太和嶺則烏拉嶺之
別名乃葱嶺之北幹康里即古康居為今東哈薩克在
太和嶺之東欽察則在太和嶺之西北而寬定吉思海
一作騰去斯海皆在太和嶺東北當為康里境內非欽
察境內史稱木赤之封其地極遠去京師數萬里驛騎
急行二百餘日方達京師地理志所謂西北月祖伯地

即木赤所封顧木赤月祖伯封域雖大皆在金山以西
其金山以東則海都篤哇昔里吉諸王分據至元亡以
後阿羅斯舊裔恢復故國日益強大并金山東北諸蒙
古王封地而有之則迴非元初阿羅思之故疆矣曰元
史征阿羅思欽察之軍往返皆由阿速則阿速在二國
之南當為今何地曰明史西域傳言阿速近天方及賽
馬爾罕倚山面川川南流入海即西哈薩克之河南流
入裏海者也又言沙哈魯部在阿速西海島中考今哈
薩克西部有格騰里大澤澤中有大山即裏海之島也

欽察之寬定吉思海在太和嶺東北阿速之格騰里海在太和嶺西南皆非大海而裏海東則征阿羅思兵往返必由之路又哈薩與阿速音近西哈薩克爲今布哈爾當卽元阿速無疑又土爾扈特游牧俄羅斯之厄濟爾河者在布哈爾西境亦倚山面川南流入裏海元時或在阿速境內歟至欽定續文獻通考以阿速爲阿克蘇則無容喙焉

元代北方疆域考下卽今俄羅斯東北境

元時北方疆域不但西有阿羅思欽察也乃并今日俄

羅斯東北全境皆有之考世祖都燕後立嶺北行中書省統和林路總管府以轄漠北地蓋自金山杭海山興安嶺以北直抵北海之地皆隸焉而地理志于嶺北所轄疆域部落概不及其附見西北地名末者曰吉利吉思部昂可刺部烏斯部撼合納部謙州益蘭州等處而謙河受色楞格河之水貫諸部以入北海色楞格河源嶺南自西而東謙河源嶺北自東而西元史則以謙河爲正源吉利吉思者卽唐書黠戛斯國之音轉也南去大都萬有餘里在和林正北故距燕京遠相傳乃滿部卽乃始居此

海國圖志 卷五十一
其境長千有四百里，廣半之。謙河經其中西北流，又西南有大水，曰阿浦，東北有大水，曰玉須，皆會於謙，而注於昂可刺河，北入於海。又曰：謙州以謙河得名，去大都九千里，在吉利吉思東南，謙河西南，唐麓嶺之北，烏斯部亦因水爲名，在吉利吉思東，謙河之北，昂可刺河亦以水得名，謙河下游入海之地，附庸于吉利吉思，去大都二萬五千餘里，晝長夜短，日沒時炙羊肋熟，東方已曙，卽唐史之骨利幹國也。康熙間，圖理琛使俄羅斯，作異域錄，曰：色格河，北瀦爲巨澤，曰柏哈爾湖，亦曰小海。

水自湖西北角流出，曰昂噶喇河，西北流百五十餘里，受西南來之厄爾庫河，又西北流二千九百餘里，受東北來之伊里穆河，又北數百里，會西來之伊聶謝河，轉東北流入北海，伊聶謝去北海大洋一月程，時夏至前後，夜不甚暗，日落夜深，猶可晷奕，不數刻東方日出也。源證以元史，謙卽昂可喇上游，東北來之玉須，卽伊里穆河，西南來之阿浦，卽伊聶謝河，伊聶謝河以上爲吉利吉思地，伊聶謝河以下爲昂可刺地，伊里穆河以上爲烏斯地，柏哈爾湖西岸爲謙州，則知昂可刺河之名。

海國圖志 卷五十一
當在謙河會伊聶謝以後故以謙河綱紀諸部自異域
錄稱水自柏哈爾湖後即名昂可刺河以下游之名被
諸上游于是水道提綱泥之以出湖西北流百五十餘
里之厄爾庫水即為阿浦河則吉利吉思太近不應距
大都萬餘里且其南更有何地位置謙州不合一史言
元代疆域北至鐵勒天文志和林北極出地四十五度
夏至晷長三尺二寸四分晝六十四刻夜三十六刻鐵
勒北極出地五十五度夏至晷長三尺二寸四分晝六
十四刻夜三十六刻鐵勒北極出地五十五度夏至晷

景長五尺一分晝七十刻夜三十刻北海北極出地六
十五度夏至晷景長六尺七寸晝八十二刻夜十八刻
鐵勒其吉利吉思之地北海則昂可刺河入海之地歟
若以昂可刺河即在柏哈湖下安能遠瀕北海距大都
二萬五千里不合二謙州在唐麓嶺北唐麓嶺即今唐
努山烏梁海地一作唐魯在和林西北金山東北故言謙河
西南一統志引朔漠圖曰自和林北行三千里名昂吉
爾海子自此又行五百餘里至謙州及吉利吉思若謙
河止于柏哈爾湖則距唐麓山北之謙州尚遠安能以

水得名不合三土土哈傳至元二十年從皇孫晉王征海都戰於杭海嶺二十九年略地金山獲海都戶三千還至和林三十年春進兵取乞里吉思即吉里師次欠河即謙水行數日始至其境盡收五部之眾而還五部除益蘭洲有屯兵守之海都聞之引兵來爭敗之於欠河又烏斯劉好禮傳海都執好禮歸欠州脫走逾雪莪嶺出鐵壁山間道南行數日至南海始遇戍兵得歸是謙州近海都金山封地故為其所割據若僅在柏哈爾湖上游則距金山遠甚何得為海都巢穴且距吉利吉思更遠何

得交兵於欠河不合四史言吉利吉思為乃滿故居謙州地為王罕故居者乃滿新庭在和林為今賽音諾顏部地元祕史太祖征乃蠻時其塔陽汗渡塔米爾河登勒合山故知和林王罕新庭在土拉河為今土謝圖汗即乃蠻庭帳矣地元祕史成吉思汗初年于土皆與謙河隔嶺無涉惟其故居在嶺北者則數千里皆謙河所縈貫若謙河短狹止于柏哈爾湖安能巨兩大部游牧之舊帳不合五知此則知色棱格河入柏哈爾湖後復西北行數千里皆謙河之正幹謙河明而嶺北五部輿地綱領得矣至

海國圖元 卷五十一
撼合納部則在諸部之東，謙河源所從出，樺皮爲帳，白鹿負之，冬月亦乘木馬出獵，其東界則爲朱爾克河，別流入北海，其南界則近黑龍江之使鹿部矣。今俄羅斯東路不產馬，乘鹿出入，卽其地矣。其益蘭州則諸部東西適中之地，至元七年遣劉好禮爲吉利吉思撼合納謙州益蘭州等處斷事官，而以此爲治所，修庫廩，置傳舍，招陶冶工匠，鑄農器，造舟楫，地在楚庫河左右，爲西北孔道，故海都兵至，卽執劉好禮歸謙州，以其當兵衝也。此數部總隸于嶺北行中書省，皆在北幹大山之北。

吉利吉思，哥剌烏斯在其正北，與土拉河隔嶺，撼合納在其東北，與幹難河隔嶺，謙州在西北，與和林隔嶺，益蘭州在二嶺中斷，通色棱格河之地。世祖至元以後，諸王海都出沒其間，恃荒遠爲藪穴，每敗遁，輒不知所往，至其屢次入寇，一由謙河而至杭海，是和林東必由之，要道一由額爾齊河而至金山，是和林西必由之，要道。其金山以北地名，略見藏兀爾傳，成宗大德元年，領征北諸軍，踰金山，攻海都軍於達魯忽河，師還，又大戰於阿雷河，又玉哇失與戰於撒刺思河，此皆額爾齊河所受之水，及海都踰金山而南，則屢戰皆於鐵堅古山，我軍踰金山北而追寇，則皆駐軍於按台山，此皆阿爾泰山南北，今唐努山，烏梁海以北之地。成宗

大德十年海都及篤哇皆已死篤哇子款撒已降乃詔徙諸部降人於金山之陽我軍屯田於金山之北軍食既饒又扼其心腹於是海都蔑里二部餘眾相率來降北邊始寧蓋海都封金山以北其分地西以額爾齊斯河與拔都大王分界東以謙河與嶺北中書省分界自世祖都燕以後嶺北固鞭長莫及和林亦兵備較虛海都有割據漠北之志故率篤哇及蔑里等屢於金山杭海山兩路擁兵出沒恃其險遠我出彼遁我退彼出觀馬紹傳言漠北民避亂南者七十餘萬則其震蕩侵軼

之勢可知雖以開國之初師武臣力然金山南北不奉正朔垂五十年故元經世大典地圖不著海都所封而地理志則妄稱阿力麻里爲海都行營之所又言阿力麻里在和林西北五千餘里是並不知阿力麻里爲今伊犁在和林之西南故妄以爲極北又以爲海都分地又何譏焉又何難焉今則嶺北際海皆屬俄羅斯東藩四部以異域錄及四洲志考之則海都篤哇等初分金山以北地今俄羅斯之都莫斯科部西界額爾齊斯河南界科布多者也謙州則今俄羅斯之科利弗部東界謙

河、北界吉利吉思、南界烏梁海、及和林者也。其撼合納地，則今俄羅斯之雅克薩部。北界烏斯，東界朱爾克河。南界車臣汗蒙古，及黑龍江索倫者也。至俄羅斯尚有極東北之甘查甲部，更在撼合納之東北。元史、地理志未之及。凡古史沿革，亦皆未之及。

瀛環志略曰：俄羅斯舊國，在秦漢爲渾庾屈射堅昆丁零諸部，受役屬於匈奴。在唐爲黠戛斯骨利幹等國。宋末元太祖起北方，拓地西域，以阿羅思欽察阿速三部分其長子，乃東俄大俄兩部地，非今日俄羅斯之全土。

也。元氏旣衰，俄羅斯故王後裔，再煽餘燼，假鄰國西費耶忒兵力，今瑞典國驅逐蒙古，恢復疆土。迨後日益強盛，沿

北海漸拓，而東繞出西域回部外蒙古諸部之北，直達黑龍江東北徼外，名曰西伯利部。我朝順治年間，築城於雅克薩，侵擾索倫諸部，稱爲羅刹。屢遣兵毀其城，輒復據之。康熙年間，兩致國書，復由荷蘭附書，諭其國王。其王乃遣使上書，乞撤雅克薩之圍，分定疆界，立碑爲志，通貿易於車臣汗部之恰克圖，并遣人來京師學習漢文。每十年更易，沿爲常例。其西境自彼得羅岬

起日益恢拓，西割瑞典之芬蘭，南兼高加索，迤北諸部，西取白峩諸部，又割波蘭三分之二，土耳其波斯北境亦多被侵割，於是峩羅斯境土北環於冰海，西據波羅的海，東距大洋海，即東海又跨海據北亞墨利加之一隅，長約二萬餘里，其南北之勢，則西土較闊，約六七千里，東土較狹，約四五千里，宇內疆土之恢闊，無過峩羅斯者，宜其強大莫與京矣。然在歐羅巴諸國中，亦不過比肩英佛，而未能定霸於一方者何也？嘗以詢之雅裨理，曰：彼所有者，多北裔窮荒之土，其東部層冰積雪，草不

繁，牲不育，不可游牧，故漠北諸部棄而不居，我人得之，收其皮鑛之利，所謂人棄我取，非力能驅除而據為己有也。迤西入歐羅巴界，戶口稍盛，再西至大峩東峩之南，不乏名都大邑，然較之英佛諸國，總覺土滿舟楫之利，火器之精，心計之密，又遠遜於諸國，逐鹿海隅，往往瞠乎其後，特因其疆土之廣，究係海內大國，故諸國亦未敢輕視之。比權量力，不過齊秦晉楚，相為匹敵已耳。峩羅斯都城臨海，亦有巨艦數十，然水戰究非所長，故不能在大海中與諸國角勝，其貨船亦止往來西洋諸

海國圖志卷三十一
國未嘗涉大洋而至粵東蓋其國物產之最多者曰銅
鐵曰麻布曰木料曰牛馬鄰近諸國皆仰給焉不必求
售遠方最珍貴者皮貨如狐貂海龍駱駝洋灰鼠之
類專以供中國之用入海船而載至炎方計無不朽敗
者通市之在陸而不由海職是故也

西域聞見錄云俄羅斯本控噶爾屬國俄羅斯缺其朝
貢又興兵攪其邊控噶爾以大兵臨之俄羅斯恐懼乞
降增其歲貢控噶爾乃舍之又云當俄羅斯與控噶爾
連兵屬國土爾扈特不堪徵調之苦其汗烏巴錫叛俄

羅斯率其人戶度戈壁內附正乾隆年間勘定西域之
時也今考歐羅巴諸國並無控噶爾之名百年以來諸
大國與俄羅斯構兵者止有土耳其佛郎西波斯三國
佛郎西之侵俄係嘉慶十六年俄人焚舊都以避之其
禍最烈事在土爾扈特投誠之後波斯之役亦係近年
惟土耳其與俄羅斯連兵前後近百年道光初年猶交
鬩未已聞見錄所云交兵事其爲土耳其無疑土耳其
都城名君士但丁一作康思坦胎諾格爾噶爾卽格爾
上五字之訛爲控或由於轉音省文舊本羅馬東都後

海國圖志 卷五十一
來猶冒羅馬之名，故聞見錄稱控噶爾都城名務魯木，魯木即羅馬之轉音也。土耳其本回部大國，所據者壘形勝之地，恃其虓悍，敢於侵擾強鄰。我羅斯與之構兵，至數十年之久，徵發及於屬藩，蓋非得已。烏巴錫素不知兵，出輒撓敗，多所亡矢，又為舍楞所愚，欲恢復伊犁舊牧，傾國東徙，為哈薩克所掠，逼入沙漠，種類幾致覆滅。乃決計內附，賜牧於喀拉沙爾。我羅斯與控噶爾連兵之事，即土爾扈特人所傳述。然土耳其雖稱強大，此權量力，究非我敵。疆場之役，我屢勝而土屢敗，未聞我

之挫於土也。烏巴錫怨我羅斯徵調之煩，致已狼狽失國，故盛誇敵人之強大，以輕蔑之。七椿園於大西洋國土形勢，概乎未有聞，遽信其夸誕之說，杜撰一莫大之控噶爾，比諸懸圃瑤池，同一荒唐矣。或云控噶爾乃圖理雅國王之名，曾與我羅斯爭地相戰。烏巴錫傳述此事，誤以汗名為國名。今考泰西人紀載，圖理雅即普魯士國，勢遠遜於我。乾隆年間，並無與我交兵之事。

波蘭故地，尚有加拉哥維亞國，袤延百餘里，乃波蘭遺民所立，自推鄉長理事，不立君長。地在我屬波蘭部之西南。

我羅斯貨船，嘉慶十一年，曾有來粵東者。道光二十

